

# WANTOK

NIUSPEPA BILONG PAPUA NIUGINI STRET

32pes Mosbi — 25 toea

Namba 698

12-19 Novemba, 1987

Arapela provins — 30 toea

## Air Niugini opim opis long Enga

PRIMIA bilong Enga Ned Laina na seketri bilong em Luke Kembol i pasim toktok pinis wantaim ol bikman bilong Air Niugini long opim wanpela opis bilong Air Niugini long Wabag.

Mista Laina i tok ol pipel bilong Enga i save painim taim stret long stretim tiket bilong ol. Sapos ol i laik ran long Air Niugini ol i mas lusim bikpela mani long go long Hagen long stretim tiket bilong ol. Hagen i longwe tru na ol pipel i save hatwok long i go na kam bek.

Bisop bilong Gutnius Lutheran Sios Reverend David Piso na Lutheran Edukesen seketri Oglia Makindi na

seketri bilong kabinet Bill Toraso i bin stap long dispela de.

Bisop Piso i tok em i sapotim tru aidia bilong opim bilong Air Niugini long Wabag taun bikos ol pipel bai no inap hatwok long go long Hagen long stretim ol tiket bilong ol.

Primia Laina i tok taim opis bilong Air Niugini i stap long Enga i soim olsem provins i wok long develop. Na em i askim ol pipel long lukautim gut dispela opis.

Dispela nupela opis bai stat long salim ol tiket long Januari, 1988.

## NAMALIU - NAMBA TU PANGU LIDA BAI RISAIN

NAMBA TU lida bilong Pangu, and memba bilong Kokopo Rabbie Namaliu, tokaut pinis olsem em bai resain olsem namba tu lida bilong Pangu. Dispela i kamapim bikpela hevi gen long Pangu kem. Mista Namaliu em i man husat bai kisim ples bilong Mista Michael Somare, long taim Sief i pinis olsem lida bilong Pangu Pati.

Long ol ripot, em *Wantok* i kisim, Mista Namaliu i bin strong long Pangu Pati long kamap wanpela trupela progrem olsem insait long dispela faivpela yia Mista Namaliu bai tek-ova olsem lida bilong Pati. Na "na i no bihain" long dispela faivpela yia.


Em i bin wet long lukim dispela plan i kamap long kibung bilong Pati las wik. Tasol i popaia. Pangu Pati i kibung long Mosbi long planti ol memba bilong Oposisen na Pangu i kalap i go long gavman.

Planti bilong ol i tok olsem ol i no laikim lidasip bilong Mista Somare moa. Sampela i belhat long Melanesian Alaiens Pati na Pangu i wok long sutim nus bilong tupela yet long Provinsal politik na marit gut i stap Nesenel level.

Mista Namaliu i laik tek-ova olsem Pangu lida bipo long 1992 jeneral ileksen. Olsem bai i gat nupela na yangpela lida i ken karim Pangu i go long dispela jeneral ileksen. Bikos long dispela (1987) resis bilong Pangu i pundaun na planti memba na kendidet i lus long ileksen. Dispela i soim klia olsem lidasip i no gutpela.

Narapela as tu em i gat planti ol yangpela lida nau long Palamen. Sampela bilong ol em Utula Samana, Gabriel Ramoi, Rabbie Namaliu, John Giheno, Ben Sabume na Praim Minista Paias Wingti em yet.

Long Trinde, (asde) 11,



• Mista Rabbie Namaliu

Novemba Pangu Pati i wok long kibung ful taim long stretim dispela ol hevi. Mista Namaliu i tokim kibung olsem em bai resain o pinis olsem namba tu lida bilong Pangu.

Ol lain bilong em long Kokopo ilektoret bai kibung nau (tude) Fonde, 12, Novemba long pasim tok sapos Mista Namaliu i no ken resain tasol olsem namba tu bilong Pangu o em i mas pinis olgeta long Pati.

Mista Namaliu i no kamap long kibung bilong Oposisen long toktok long baset long Trinde. Na Mista John Giheno na Ben Sabume i no laik mekim sanpela toktok long dispela hevi.

Mista Somare i bin wanpela man tasol i stap long Palamen opis bilong em longpela taim inap bihain long 7 klok nait em i go long haus.

Mista Namaliu i bin tokaut las wik tu olsem mobeta Mista Somare i mas givim rot nau long nupela man i kamap lida bilong Pangu. Long kibung bilong Pati las wiken, Pangu Palamenteri Wing i bin bot gen long Mista Somare i mas stap lida na Mista Namaliu namba tu.

Dispela taim tupela memba bilong Pangu, Henu Helsingut na Presiden Mista Pate Wamp tu i no bin i stap long dispela kibung. Kibung em i bin ran i go inap long 3-pela aua tasol.



### INSAIT

- PNG i luksave long Rambuka gavman - pes 2
- Helt minista toksave long sik taifoid - pes 3
- Redio Galp i no wok yet - pes 4
- Moa studen greduet long DWI pes 2
- Kaunsila kros long refuji kalapim lo - pes 3
- Ol pas i go long edita - pes 8 na 9

Lukim moa poto na stori bilong Lae soka gren fainal insait




• Stori Tumbuna - pes 20

Lukim 4 pes spesel ripot bilong 1988 baset bilong PNG



# BEEF CRACKER

The Meaty Flavoured Biscuit



Try me

# PLIS Ripot



HAGEN - Ol plisman i wok long painimaut moa long indai bilong wanpela meri. Nem bilong dispela meri em Joyce Tine. Em i gat 26 krismas na em i bilong ples Solnumani.

Tine i bin dai bihain long wanpela pait i bin kamap namel long em na narapela meri. Ripot i tok olsem Tine na dispela meri bin marit long wanpela man tasol. Ol plisman i bin holim pinis arapela meri na i wok long painimaut wanem as bilong dispela pait.

.....

ARAWA - Ol plisman i wok long painimaut long wanpela birua pasin bilong brukim haus na stil i kamap long Johnston Pharmacy long las wik.

Ol stilman i bin go insait na traime long brukim beng tasol i no inap olsem na ol i kisim ol samting tasol. Pe bilong ol samting em i inap long K5,200. Ol plisman i sekap yet long dispela trabel.

.....

ARAWA - Ol stilman i bin stilim sigaret na sampela ais kakaruk long Birempa Treding las wik Fonde. Pe bilong ol samting em ol i stilim inap long K1,000. Ol plisman i wok yet long bihainim dispela trabel.

.....

SAMARAI - Ol plisman i wok long askim nau wanpela man bihain long meri bilong em i dai. Nem bilong dispela man em Nathaniel Goelu. Krismas bilong meri bilong em inap long 35 na em i bilong ples Akuwana.

Plis ripot i tok olsem Goelu i bin grisim wanpela meri na mekim pasin sem. Ol plisman i bin sasim Goelu long mekim pasin nogut long liklik meri.

.....

VANIMO - Ol stilman i bin brukim opis bilong Ela Moto na kisim ol ki na laik stilim ol ka. Ol i bin kisim wanpela ka na tu stilim mani boks. Ol mani insait long dispela boks inap long K6,000. Na tu ol i laik kisim tupela narapela liklik jenereta na planti ol arapela kago. Pe bilong ol kago inap long K32,000.

Ol i kisim ol samting na laik ranawe tasol ol plisman i bin kamap na tromoi smok bom long ol. Olsem na ol i pret na lusim ka na ranawe. Ol plisman i kisim olgeta samting bek pinis long ol dispela stilman.

.....

LAE - Ol stilman i bin brukim Raffles Resturen na stilim ol kaikai samting na mani. Mak bilong ol kaikai ol i stilim inap long K2,000 na mani inap long K250. Ol plisman long Lae i wok yet long painimaut moa long dispela trabel i kamap.

.....

LAE - Ol stilman i bin brukim tupela bikpela kampani opis long las wik. Namba wan opis em Ela Moto na arapela Maridien Bisnis opis. Long Ela Moto ol i stilim ol samting inap long K600. Na ol dispela samting em bilong kisim poto. Na arapela birua em ol i kisim K900. Ol i kisim mani long mani bokis bikos ol wokman i ting lus long lokim dispela bokis mani.

## PNG i luksave long gavman bilong Kenel Rambuka



• Paias Wingti



• Sir John Guise



• Sir Paulias Matane

PRAIM MINISTA Paias Wingti i tokaut pinis olsem Gavman bilong em i luksave long gavman bilong Kenel Sitiveni Rambuka long Fiji.

Minista Wingti i mekim dispela toktok bihain long sekreteri bilong Foren Afeas Bill Dihm i bin kam bek long wanpela painimaut wok em i mekim long Fiji.

Ol planti bikman long PNG na ol arapela kantri i egensim pasim Kenel Rambuka i bin mekim long rausim gavman bilong Dokta Timoci Bavadra.

Ol pipel yet i bin makim Bavadra long ileksen na em i go pas long Palamen bilong Fiji long Epril dispela yia. Kenel Rambuka bin rausim Bavadra na Gavman bilong em long Me 20.

Papua Niugini em namba wan kantri long Wol long luksave long gavman bilong Rambuka nau.

Long taim Kenel Rambuka i tekova long gavman bilong Fiji, Paias Wingti na ol arapela lida bilong Melanesien Spiahet grup i egensim dispela pasin Rambuka i bin mekim.

Mista Wingti i no tokaut bilong wanem gavman i senisim tingting bilong em nau tasol planti pipel i no amamas long dispela tingting bilong Gavman.

Sir John Guise na Sir Paulias Matane i bin egensim dispela pasin i bin kamap long Fiji. Australia na Nu Silan i no amamas tu long tekova long gavman long Fiji.

Sir John Guise na Sir Paulias Matane i bin tok olsem belkros i bin kamap namel long ol Polinesia na ol Melanesia pipel long Fiji yet. Ol Melanesia pipel i tekova long Polinesia gavman bilong Ratu Sir Kamisese Mara long jeneral eleksen hatim bel bilong ol lain Polinesia.

Sir Kamisese Mara i bin Praim Minista bilong Fiji long taim bilong independens bilong Fiji long 1970 i kam inap mun Epril long dispela yia. Long jenerel ileksen bilong Fiji long mun Epril ol lain bilong Timoci Bavadra i bin winim moa sit long Palamen na ol i kirapim nupela gavman.

Kenel Rambuka yet i bin tokaut olsem em i tekova long gavman long stapim ol India i tekova long ol asples lain.

Praim Minista Paias Wingti i bin salim wanpela grup bilong PNG em Mista Dihm i go pas long en long go skelim ol samting i kamap long Fiji. Dispela grup i kam bek na tok save long Mista Wingti na long las wik, Mista Wingti i tokaut olsem PNG i luksave long gavman bilong Kenel Rambuka.

## 160 kendidet resis long Flai Riva provinsal ileksen

IAN KAKARERE i raitim

BIKPELA resis bilong kisim sia bilong Is Kiwai Konstituensi long Flai Riva Provinsal Gavman i stap namel long wanpela famili. Dispela ileksen bai namba tri provinsal ileksen.

Tupela brata na wanpela pikinini bilong ol i wok long traime resis long winim dispela sia. Dispela tupela brata em Dibura na Kamoi Moiba. Na dispela pikinini em Brain. Brain em pikinini bilong Dibura.

Ol famili ya i bilong Samarai viles long Kiwai ailan. Kiwai ailan i sindaun long

maus bilong bikpela Flai Riva.

I gat 260 pipel bilong Kiwai tasol namba bilong olgeta manmeri insait long Is Kiwai i sanap long 4,000. Dispela namba bilong 260 pipel em ilektorel opis i kaunim long 1983.

Samting olsem 8-pela kendidet i soim laik pinis long resis na givim nem. Na taim de bilong nominesen i pas long Fraide las wik, Ilektoral opis i tokaut olsem 8-pela tasol i givim nem.

Provinsal Ilektoral opisa bilong Westen Provins, Jaop Voivoi i

tok ol kendidet i bin givim nem pinis long resis long winim 24 sit bilong Flai Riva Provinsal gavman. Long taim nominesen i pas 160 kendidet i givim nem.

Mista Voivoi i tok namba bilong ol man i resis i winim tru namba bilong las ileksen long 1983. Long dispela taim 90 kendidet tasol i resis.

De bilong tromoi vot bai stat long 28 Novemba na bai pas long 19 Disemba. Na ol bai tokaut long ol nupela memba bilong provinsal gavman long Disemba 24.

## Moa studen greduet long Divain Wot Institut

LONG 6 Novemba, 48 studen long Divain Wot Institut (DWI) long Madang i bin greduet na kisim diploma setifiket bilong ol. Ol dispela studen i bin pinisim skul bilong ol long Binis Stadis, Komyunikesen Ats na Relises Stadis.

Dispela tripela diploma kos em inap long tupela yia olgeta. Na setifiket kos bilong Relises Edukesen i bilong wanpela yia tasol. Na em i kos em bilong ol haiskul tisa.

Asbisop bilong Madang, Bernard ToVarpin i bin blesim ol dispela setifiket na Diploma na Siaman bilong Bot ov Gavana long Institut Bot Pater Jim Franks na Audita General Makeno Geno i givim setifiket long ol.

Insait long toktok bilong Mista Geno i go long ol studen, em i tok sapos ol man i no laik skul ol bai wari nogut tru. Na long



• Audita Jeneral Makeno Geno i givim Diploma i go long wanpela sumatin husat i pinisim kos bilong em long Divain Wot Institut las wik. I gat 31 studen i bin greduet long Fraide 6 Novemba.

taim ol man i givim skul long em long rong pasin bilong em bai em i harim tok.

Dispela olgeta samting i bikpela tru na

sapos husat i no klia orait kisim baibel na lukim long Proverbs.

I gat 31 studen i greduet long Binis Stadis, 9 long

Komyunikesen Ats na 7 Relises Stadis na wanpela long Relises Edukesen.

Wanpela Bisnis Stadis studen i kisim

gold medal bikos em i kisim top mak long ol skul wok bilong em. Nem bilong studen na em Joseph Aguang na em i bilong Madang.

# Kaunsila kros long ol refuji i kalapim lo

WANPELA kaunsila bilong Vanimo Taun Peter Yamin i tok ol refuji i yusim dispela tok orait bilong Fridom na kamapim planti hevi long ol papa bilong graun long Vanimo.

Em i tok planti komple i kam long Blok 6 TRR olsem ol refuji i save go na stilim ol kaikai long ol gaden.

Mista Yamin i tok

olsem planti bilong ol refuji i save kilim pik. Na sampela taim ol i save wokim trap long larim ol pik i pundaun long hul na sting.

Em i tok olsem ol papa bilong graun i no amamas tumas long pasin ol refuji i save wokim long graun bilong ol. Na long taim ol papa bilong graun i askim Dipatmen bilong Foren Afeas na Yunaitet Nesen long

baim kopensesen, ol i no baim.

Mista Yamin i tok olsem long taim ol refuji i yusim ol haus long taun ol i no save tingting gut olsem dispela haus olsem samt- ing bilong ol stret.

Em i tok i gat wan- pela haus long taun we ol i save putim ol samt- ing bilong painim pis. Insait long dispela haus tu ol i save slip taim ol i go painim pis na bikpela

si o taim nogut i painim ol.

Planti bilong ol dispela refuji i save kam long Vanimo taun long stap wantaim ol wan- tok bilong ol. Tasol planti bilong ol i save stap gut na kamapim planti tok tok. Wanpela bilong ol dispela tok tok nau em tok bilong ol pasin pamuk i stap namel long ol pablik sevan long Vanimo.

Kaunsil Yamin i tok

olsem ol man husat i sindaun long pawa tu i mas traime sekap long ol bisnis insait Vanimo taun. Bikos planti ol refuji i wokim ol bisnis long liklik stua na salim ol sampela samt- ing we ol i bin kisim i kam insait long Jayapura.

Mista Ymai Yamin i tok Yunaitet Nesen i givim tok orait long ol refuji tasol em i no min olsem ol i ken brukim lo bilong dispela kantri. Ol i no sitisen bilong dispela kantri na i gutpela ol i mas bihainim lo bilong dispela kantri.

Arapela ripot tu i kamap long Vanimo o i tok olsem gavman i mas traime putim strongpela tambu long ol refuji i kalap i go i kam long Jayapura na Papua Niugini. Wanpela man husat i no bin givim nem i tok olsem na i bin lukim planti man refuji i stap nau long Jayapura.

Em i tok olsem em i laik save sapos Foren Afeas i givim tok orait o Foren Afeas i save long wokabaut bilong ol dispela man.

Em i tok sapos ol gavman opisa i save long dispela ating bai gavman i mas mekim wanpela wok paini- maut.



• Blackwara refuji kem klostu long Vanimo taun.

## LIKLIK NIUS

### Westen Hailans makim 500 PMV laisens tasol

Eksekyutiv opisa bilong Westen Hailans PMV Kontrol Bot

Gabriel Mapa i

tokaut olsem bai ol i no inap givimaut moa laisens long ol papa bilong ol PMV neks yia.

Mista Mapa i tok bot bai putim strongpela lo olsem sapos papa bilong PMV i no gat laisens o laisens bilong em i pinis bai ol i sasim em long baim K500.

Em i tok namba bilong ol PMV laisens long provins em 500 tasol nau i winim namba ya na i go antap long 530. I gat narapela 130 laisens i paia pinis na narapela em ol transferim i kam.

Em i tok ol papa bilong PMV husat i holim kain laisens olsem bai kisim bikpela sas tru.

### Pawa paia long Lemeki

GAVMAN Wip Pawa Sisioka i givim strongpela bel hevi tok tok bilong em i go long gavman minista Jacob Lemeki long rausim ol olupela memba bilong Nesenel Kapital Interim Komisnin (NCDIC).

Mista Sisioka i tok em i no gutpela pasin long rausim ol kain gutpela man olsem Jack Pidik husat i mekim bikpela wok pinis long Mosbi siti.

Em i tok ol pablik i amamas tru long kain senis i wok long kamap long gutpela save na tingting bilong kain man olsem Mista Pidik.

### Trabel bagarapim Aiyura haiskul

GREDESUN amamas bilong Aiyura Nesenel Haiskul long Isten Hailans provins long Sarere 7 Novemba i bungim tupela birua. Long Sarere nait taim ol studen i wokim las danis bilong ol long lusim skul, wanpela spakman i bin go insait long skul na brukim ol haus slip bilong ol studen na bagarapim planti narapela samt- ing moa.

Het tisa bilong skul, David Treagust i tok long dispela taim bilong trabel ol tripela plisman bilong Kainantu Plis Stesin i bin sanap lukluk tasol long taim man ya i wok long bagarapim ol samt- ing bilong skul. Ol tripela i pret nogut ol lain bilong man ya bai bekim sapos ol i arestim em. Ol studen yet i traime long rausim em tasol man i no harim tok tok bilong ol.

Long narapela asua insait long skul long dispela nait tupela man i bin holim pasim na bagarapim wanpela meri tisa arere long haus bilong em long skul yet. Meri ya i bilong narapela kantri na kam tisa long Aiyura. Tupela man i bin holim pasim meri wantaim naip na bagarapim em.

## Helt minista toksave long pasin bilong stapim sik taifoid

JOSEPH KAU i raitim

Long mun Me i bin gat tupela ripot bilong sik taifoid i bin kamap long Mosbi na Sentral provins, Nesenel Helt Minista Mista Timothy ward i tok.

Taifoid em wanpela sik ol manmeri i ken stapim sapos ol i was gut long skin bilong ol na ol samt- ing ol i yusim. Sampela taim ol lang i ken kamapim dispela sik long taim ol i karim jem long ol pekpek na ol arapela pipia na putim long kaikai. Na ol pipel i kaikaim dispela kaikai bai painim sik.

Man i kisim dispela sik bai pilim skin i hat, het i pen na bel i pen. Ol pipel husat i kisim dispela sik i ken dai sapos ol i no kisim marasin kwiktaim.

Namba wan ripot i kamap long taim ol wokman bilong bikpela haus sik long Mosbi i painim wanpela hailans man long Morata long Mosbi i bin kisim dispela sik. Wok painimaut bilong Helt

dipatmen i luksave olsem dispela man i mas kisim dispela sik i long ples bilong em long Hailans.

Ol i painim tu olsem ol wantok bilong em long Morata na sampela wokman bilong NCDIC i bin kisim dispela sik tu. Dispela man i bin dai long Mosbi long mun Me.

Long mun Julai ol i painimaut olsem tupela studen long Laloki Haiskul i bin gat dispela sik.

Wok painimaut i luksave olsem sampela lain long ples bilong dispela tupela studen long Tubusereia, klostu long Mosbi i gat dispela sik tu. Ol dispela studen na ol lain bilong ol long Tubusereia na ol lain long Morata husat i gat dispela sik i kisim marasin nau.

Wara ol studen i yusim long Laloki Haiskul i orait.

Mista Ward i tok tu olsem wara ol siti

kaunsil i save givim long ol pipel long Mosbi em gutpela wara long dring na waswas.

Dispela sik i ken kamap isi tru long ol skwata setelmen long Mosbi sapos ol pipel i no was gut long ol samt- ing olsem ol plet na spun na kap ol i yusim.

Mista Ward i tok wara saplai bilong siti i gutpela wara. Tasol ol pipel i mas wasim gut ol samt- ing ol i yusim na sapos ol i pulmapim wara na karim i go long haus, orait ol i mas karamapim gut wara.

Narapela samt- ing ol manmeri i mas mekim long stapim dispela sik long ol setelmen em long wokim ol gutpela toilet. Sapos ol i pekpek nabaut, ol lang i ken karim dispela sik i go long ol pipel.

Planti setelmen long Mosbi na tu long ol arapela biktaun long Papua Niugini i no gat ol gutpela toilet na ol manmeri i save pekpek nating.





### I mas gat gavman sapot


GAVMAN i tokaut long 1988 baset long dispela wik na bikpela toktok insait long dispela baset em i long bringim developmen na givim sans tu long ol ples longwe long ol taun we developmen i no bin kamap yet.

Em i gutpela tingting bilong gavman long helpim ol pipel husat i no gat sans long kirapim wok bisnis o ol arapela projek bikos ol i no gat rot long mekin ol dispela samting long eria bilong ol.

Bikpela hap mani tru bilong dispela baset i go long ol wok olsem Egrikalsa, Pis bisnis na Timba bisnis bikos gamvan i luksave olsem ol dispela bisnis inap long pulim moa mani i kam insait long kantri.

Bikpela askim nau em long dispela mani gavman i kapsaitim i go insait long ol dispela tripela eira bilong pulim mani. Ol pipel long ol dispela ples em gamvan i makim long givim spesel helpim long ol bai kisim dispela helpim tu o? Bai i gat bikpela wok i mas kamap long painimaut wanem kain ol bisnis bai i gutpela long ol pipel i kirapim? Na Sapos ol pipel i kirapim ol dispela bisnis bai i gat sapot oltaim long gavman opisa o?

Planti gutpela aidia bilong gavman long helpim ol pipel i kirapim bisnis i save pundaun bikos ol pipel i no save kisim sapot bilong ol gavman opisa.



• Siaman bilong Habas Bot Fred Daniel i givim K2.3 milen sekmani i go long Minista bilong Trensport Roy Yaki (raithan). dispela mani em hap mani bilong winmani Habas Bot i kisim long 1986.

## Habas Bot givim hap winmani

PAPUA NIUGINI Habas Bot i givim pinis moa long K2.3 milien long nesenel gavman. Dispela mani em hap bilong winmani Bot i bin kisim bihain long ol i baim teks long gavman long 1986.

Siaman bilong Habas Bot Mista Fred Daniel i givim dispela mani long Minista bilong Trensport Mista Roy Yaki long Mande 9 Novemba. Mista Daniel i tok olsem nau em namba wan taim Habas Bot i givim winmani long gavman.

Long 1984 gavman i mekim wanpela lo i bin tokim ol bisnis bilong gavman, olsem ol Habas Bot, Air Niugini, PTC na Elkom i mas givim nesenel gavman hap bilong ol winmani ol i kisim long wan wan yia.

Habas Bot em namba wan bisnis bilong Gavman long givim dispela mani i go long gavman long dispela yia. Mista Daniel i tok olsem Bot i no pinis wok bilong ol long dispela yia tasol em i tok long pinis bilong dispela yia Bot inap long givim narapela K2 milon long nesenel gavman.

## Redio Galp i no inap givim toksave

JOSEPH KAU i raitim

PROVINSAL ileksen i kamap nau long Galp Provins tasol planti pipel i no inap save ol samting i kamap long dispela taim. Bikpela helpim long givim ol toksave bilong ileksen i go long ol pipel Redio Galp i bagarap yet.

Masin bilong salim ol prprogrem bilong Redio Galp i bin bagarap long Trinde 29 Oktoba na ol i no stretim yet.

Ileksen bai stat long 14 Novemba na ol wokman bilong Iektoret Komisn bai kisim taim stret long givim ol toksave long ol ples bilong vot i go long ol pipel.

Planti pipel bilong Galp provins i save yusim Redio Galp long kisim ol toksave

bilong ol na tu long harim ol nius na ol arapela progrem.

Dispela hevi i kamap bihain ol masin bilong givim pawa o jenereta bilong Elkom long Kerema i bin bagarap. Nau ol Elkom i yusim wanpela jenereta tasol long givim pawa long ol pipel bilong Kerema taun.

Ol dispela hevi bilong brukdaun bilong redio Galp na jenereta i no ol nupela hevi long Kerema. Ol dispela hevi i bin kamap long Kerema planti taim bipo tasol i luk olsem gavman i isi, isi long stretim dispela hevi.

Menesa bilong redio Galp na mensa bilong elkom long Kerema i no inap tokaut long wanem taim tru gavman bai stretim dispela hevi.

## K240,000 go long helpim Kandrian

NESENEL Disasta Komiti i bin oraitim pinis K240,000 i go long Wes Nu Briten Provinsal Disasta komiti long stretim ol bagarap i kamap long Kandrian stesin long mun i go pinis.

Namba wan helpim em komiti bai kisim 20 teng wara long Rabaul long putim long Kandrian stesin.

Ripot i kam long Kimbe i tok olsem Provinsal Disasta Komiti i bin baim ol dispela teng wara long K40,000. Na arapela K200,000 ol bai tromoi long stretim ol rot na bris i bin bagarap long dispela birua. Mema bilong Kandrian/Glouster Bernard Vogae i tok dispela K200,000 bai stap insait long nesenel baset i go long Wes Nu Briten.

# Wantok

P.O. Box 1982, Boroko  
Telepon: 25 2500

Teleks: NE 22213

Faks: 252579

PE BILONG WANPELA YIA, 52  
NIUSPEPA

Ples	Air Surface
Port Moresby	K20 K20
PNG	K29 K29
Australia & Sol Islan	K60 K39
New Zeland & Pacific	K78 K46
America & Europe	K118 K60

Printed and published by Anna Bernadette Solomon, of Bittern Place, Gordons, at Allotment 2, Section 209, Hohola.

## MA makim 18 kendidet long Galp ileksen

MELANESIAN ALAIENS Pati i makim pinis 18 kendidet bilong ol long resis long Galp provinsal ileksen.

Long wik i go pinis wanpela mausman bilong MA na sia-

man bilong MA long Madang Benny Ulul i bin stap long Galp provins long stretim wok bilong Pati.

Long dispela taim ol i bin makim Joye Soloi Hareavila long lukautim wok bilong

Pati long provins. Mista Hareavila em i Fainans na Plening minista nau long Galp provinsal Gavman.

Mista Ulul i tok olsem MA bai kisim 10-pela memba long pinis bilong ileksen na MA bai wok wantaim ol arapela pati long kirapim nupela gav-

man. Em i tok olsem Galp provins i lukluk nau long ol nupela lida long kisim developmen i kam long provins.

Em i tok tu olsem ol pipel i painim ol gutpela strongpela kristen lida long lukautim ol long narapela 10-pela yia.

BIABIA GO LUKIM INTENESINAL SOFBAL RESIS NAMEL LONG OL MERI JAPAN NA PNG TIM....

EM AIGRIS LONG SEMPIAN PITSA BILONG JAPAN NA EM SINGAUT....

NAMBA 25 SAIS-O! AIYA YU LEWA!

TASOL WANPELA BATA BILONG PNG IHAMAIM BAL KRANKI NA BAL ABRUSIM WAIA NA GO STRET LONG BIABIA....

TARANGU BIABIA I BIKMAUS NA KISIM BAGARAP LONG KELA BILONG EM..

AIYO! NAMBA 25 YU BAGARAPIM MI YA!

OLGETA MAN/MER I LAP NOGUT TRU..

INDOSUEZ NIUGINI BANK LTD

Burns House, Champion Parade,  
P.O. Box 1390, Port Moresby  
Papua New Guinea  
Fax: 213115 Telex: NE23274 INDONIU

Mak bilong intres long ol interest bearing deposit bilong mani i stap aninit long mak bilong K50,000.

Taim	K1000-K9999	K10,000-K49,000
Call 24 hrs notice of withdrawal		
1 Mun	-	8.5 % PA
2 Mun	-	8.75 % PA
3 Mun	8.25% PA	9.0 % PA
6 Mun	8.5 % PA	9.25% PA
9 Mun	8.6 % PA	9.35% PA
1 Yia	8.75% PA	9.5 % PA
2 Yia	8.5 % PA	9.0 % PA

Beng bai toksave long mak bilong intres bilong mani antap long K50,000 long taim yu opin akaun.

Phone:  
Port Moresby: 21 3307 21 3533  
Boroko: 25 9211  
Lae: 42 3955  
Goroka: 72 2055

Member of the Group  
Banque Indosuez



# Sapos yu gat wari long gras bilong yu...

## GO LUKIM...

# BIO hair Centre



*Em ya ol tupela man na wanpela meri husat i bin i go long lukim Bio helt senta na stretim wari pinis*



Taim man i kela nau planti manmeri i save olsem ol i lapun pinis. Olsem na taim man i kela em ol i tok em i bikman na lapun. Tasol long Papua Niugini, planti ol man na yangpela i kisim kela long het bilong ol. Taim bilong ol i no yet tasol ol i kela pinis.

Planti ol man i save kisim sem tru long taim ol i lapun long yangpela bilong ol. Menesa bilong BIO Helt Senta Martin Tokopae i tok olsem kela i no save wari long yu wanem kain man. Em i ken kamap long laik bilong em yet.

Dispela BIO Helt Senta i bin op long mun Mas insait long dispela yia. Dispela senta em hap brens bilong BIO Helt Senta long Melbourne insait long Australia. Dispela senta i bin kamap long Melbourne 10-pela yia i go pinis. Na dispela em bilong stretim ol gras o het kela bilong ol man husat i kain gras olsem bilong ol man insait long Melanesia. Na Papua Niugini em wanpela eria we ol i ken yusim dispela kain marasin. Mista Tokopae i tok moa long 20,000 pipel, 1,000 bilong dispela namba em ol meri.

I gat planti as na ol man i save kela kwik taim. Wanpela bikpela as em blut. Sapos papa o mama bilong yu i save kela taim em yangpela yet orait em yu tu bai kela. Na arapela as tu em ol kaikai. Ol man i mas kaikai wankain kaikai tasol i ken mekim ol i lusim gras bilong ol. Nem bilong ol dispela kaikai em 'emti fud' Na ol dispela kain kaikai em gris kaikai olsem taim ol i fraim, suga na switpela ol kaikai na rais em ol i wasim gen na kukim.

Arapela samting moa em sapos yu tingting tumas long ol gutpela kaikai tu bai i bagarapim gras bilong yu na yu bai kela kwik. Dispela toktok em senta i bin tokaut bilong wanem as na ol gras i save lus.

Wanpela gutpela samting em gras i gat ol kain liklik wok bilong em. Taim gras i stap man em i save kukim stret ples. Gras i mekim yu luk moa nais na smat. Em i mekim yu luk yangpela stret. Na ol meri, gras em samting tru. Dispela em olsem pawa na strong bilong em. Sapos em i nogat gras em bai no nap pulim planti man.

Menesa bilong BIO Helt Senta, Mista Tokopae i tok gras bilong Het i gat bikpela wok. Taim man o meri i bung skin i save kirap tasim man i lukim prenmeri bilong em i gat bikpela gras. Em i tok planti meri i bin tokim em olsem ol i laikim man wantaim planti gras.

Planti meri i tok ol i no wari tumas sapos ol i stap wantaim wanpela man na em i kela. Tasol ol bai tingting planti tru long maritim wanpela man i kela. Na planti man tu i bin tok olsem ol i laikim ol meri husat i gat planti gras na luk nais.

Kela em i no samting bilong ol bikman tasol nogat. Em i bilong ol kain kain man. Maski yangpela o lapun o yu husat kela i ken kamap long laik bilong em yet.

Menesa i tok planti ol politisen na ol bikman long gavman na ol praivet kampani i bin askim long helpim long BIO Helt Senta. Tasol senta bai i no nap tokaut long nem bilong ol nogut ol bai sem.

Bikpela askim i wok long kamap long ol man husat i go kisim helpim long dispela senta. Ol i tok ol baim marasin na dispela bai helpim gras bilong ol nogat. O ol bai wet tasol na mirakel bai kamap long het bilong ol.

Insait long wanpela toksave pepa, sapos ol man i baim marasin na yusim inap long 12-pela mun em gras bilong ol bai gro. Na 2-pela man namel long ol tripela man husat i save yusim dispela marasin em gras bai gro long het bilong ol.

Nau i gat 20,000 kastama. Tasol 13,000 tasol bai kisim gutpela helpim long dispela kain ol marasin bilong groim gras.

Senta i gat 5-pela kain marasin bilong groim gras. Na namba siks em bilong kilim ol laus. Prais bilong ol marasin em K48 na K7 bilong baim stem na postim. Na dispela bai stap inap 3-pela mun olgeta. Ol man i kamapim o wokim dispela marasin i tok Papua Niugini i gat ol kain gras we em i gutpela long wokim long dispela marasin.

Planti ol stua o haus marasin i salim planti ol kain marasin bilong wokim gras tasol ol i no salim bilong groim gras. Bilong lukautim gras gut i moa gutpela na noken wetim taim. Taim gras bilong yu i no lus yet o kela orait yu mas hari-ap na traim baim na yusim dispela ol marasin.

Wokman bilong mipela husat i save long ol samting bilong het na gras bai kam long ol taun na lukim husat man o meri i gat wari long gras. Sapos yu laik lukim em ringim telepon namba long hotel em i stap long en long de na taim em bai go long en daunbil.

**\*DARU**  
WYBEN HOTEL MOTEL P/L PH: 65 9055

**\*LAE**  
MELANESIAN HOTEL PH: 42 3744  
MON NOV 30TH - TUES DEC 8TH

**\*ALOTAU**  
ALOTAU GUEST HOUSE PH: 61 1212  
MON NOV 9TH - SUN NOV 15TH

**\*MANUS**  
LORENGAU KOHAI LODGE PH: 40 9004  
MON NOV 23RD - SAT NOV 28TH

**\*GOROKA**  
BIRD OF PARADISE HOTEL PH: 72 1144  
MON NOV 16TH - TUES NOV 24TH

**\*KAVIENG**  
KAVIENG HOTEL PH: 94 21994  
TUES NOV 17TH - SAT NOV 21ST

**\*VANIMO**  
VANIMO HOTEL PH: 87 1102  
MON 8TH NOV - 15TH NOV

### PORT MORESBY CLINIC

OUR NEW CLINIC IS IN THE PNGBC BUILDING, TABARI PLACE, 2ND FLOOR SUIT NO.5, PHONE 25 7634

### CLINIC HOURS

9 AM - 6 PM: MONDAY TO FRIDAY  
9 AM - 12 NOON: SATURDAY

Raitim nem bilong yu daubilo na salim i kam long Bio Hair Senta o ringim dispela namba 25 7634

BIO HAIR CENTRE, PO BOX 5187, BOROKO

NAME \_\_\_\_\_

ADDRESS \_\_\_\_\_

PHONE \_\_\_\_\_

CLINIC HOURS: 9 AM - 6 PM MONDAY TO FRIDAY 9 AM - 12 NOON SATURDAY

# Balus i lus long Mozambique

LONG Ingran wanpela man bilong Saut Afrika na tripela bos bilong kampani i bin lus long wanpela balus wantaim ol nara-

pela 8-pela pipel.

Balus ya ol i kolim Malawian i bin flai antap long ples ol i kolim Mozambique long Fraide long taim em i lus.

Ripot i tok ol i bilip ami long dispela ples i mas sutim dispela balus.

Balus i no salim sampela toktok i go bek long ol lain i save lukautim raun

bilong ol balus.

Narapela ripot long Sande i tok ami bilong Mozambique i bin ripot olsem ol i bin sutim wanpela balus, i bin flai antap long eria bilong ol.

# Kot mekim save long tupela manmeri

INSAIT long Karachi biktaun bilong Pakistan wanpela kot i sasim wanpela man na meri husat i no marit tasol i laik

ranawe i go marit. Kot i tok bai ol i planim tupela long hul long graun i kam inap long nek bilong tupela na bihain bai ol i sutim


ol indai long ston.

Dispela man na meri em Mohammad Sarwar husat i gat 35 krismas, na Shahida Khushi Mohammad husat i gat 26 krismas. Tupela i bin ranawe i go stap long Lahore siti na ol i bin painim tupela.

Ripot i tok olsem nau em i namba tu taim bilong givim dispela kain mekim save long ol lain husat i no marit na i laik wokim kain pasin olsem. Dispela lo em ol i bin wokim long 1980 na i stap aninit long lo bilong ol Islam.



ATHENS -Gris - Wanpela lapun man Stan Jackson i go pas long 11-pela arapela ol lain bilong ran long motobaik. Ol i redi long ran lusim London na go long Australia. ol i laik kamap long Australia long amamasim 200 yia o krismas bilong kantri bilong ol.



MADRID - Spain - Wanpela pablik sevan i singaut nogut tru long soim olsem em i no wanbel tumas long ol toktok bilong Soselis gavman. Em i bin stap wantaim ol arapela ol poroman bilong em long wanpela protes mas long askim gavman long apim pe bilong ol pablik sevan. Ol i protes long 1988 baset plen bilong gavman bilong Spain i holim em ya.

## Tupela kendidet tokaut long pablik

TUPELA man husat i sanap resis long ileksen bilong presiden bilong Amerika tokaut pinis olsem ol i bin smok spak brus long 1960 na 1970 tasol ol i tok olsem

dispela i no inap bagarapim nem bilong tupela.

Albert Gore 39 na Bruce Babbit i tokim ol Niusman olsem long taim ol i yangpela man ol i bin kisim o smokim spak

brus. Tasol tupela i tok olsem ol i no bin smokim spak brus long 1970 i kam inap nau.

Gore em i bin Gavana bilong Arijona stet na Babbit em memba bilong Tenesi long Palamen bilong Amerika. Tupela i laik sanap resis long nem bilong Demokratik Pati.

# Tupela pikinini dai insait long ka

INSAIT long Kalifonia, Amerika wanpela meri bai kalabus 4-pela yia olgeta bikos em i larim tupela pikinini bilong em i stap insait long ka longpela taim na tupela i bin dai.

Ples i bin hat tru long taim bilong san na mama bilong tupela pikinini ya i bin lusim tupela na i go long wanpela stua we pren man bilong em i save wok.

Meri ya Beverly Jean Ernst i bin lusim tingting olgeta long

tupela pikinini ya i bin stap long ka.

Ripot i tok long Julai 20 long 7 klok long moning mama i bin wokim dispela asua.

Ol i bin painim tupela pikinini ya long 10 klok tasol tupela pikinini i bin dai pinis. Nem bilong tupela pikinini ya em Ashley na Adam.



ESROUAN - Lebanon - Wanpela soldia bilong ol lain kristen long Lebanon Fos i sanapim masin gan bilong sutim ol teng. Ol ami i bin pait wantaim ol lain Moslem long lukim husat tru bai lukautim Lebanon.

# Bom pairap na 11-pela pipel i dai

LONG Noten Ailan wanpela bom i bin pairap na kilim 11-pela pipel na bagarapim narapela 61. Dispela birua i bin kamap long


Sande long taim ol pipel i bin bung long wokim wanpela memorial lotu long tingim ol lain husat i bin dai long woa.

Ol plisman i tok olsem dispela ol lain i bin dai em 6-pela meri na 5-pela man. Ol lain husat i kisim bagarap em planti bilong ol em ol pikinini tasol. Ripot i tok samting olsem

13 pikinini husat i kisim bagarap i gat krismas bilong ol namel long tu mun na 15 yia.

Sampela ripot i tok olsem long taim bom i pairap hap haus ol pipel i stap insait long en i bruk hap, hap.

Narapela niuspepa ripot i tok olsem ol lain Airis Ripablikan Ami (ARA) i bin wokim dispela trabel



PERSIAN GALP - Ol bikpela sip bilong Amerika i sambai insait long basis bilong Persia. Bikpela pait i wok long kamap long dispela hap nau.

# Soldia kilim 11-pela Tamil rebel

OL SOLDIA bilong India i kilim indai 11-pela Tamil rebel paitman long Jaffna, Sri Lanka bihain long ol dispela paitman i laik pasim ol helpim kago ol India i laik rausim tupela sip.

Wanpela mausman bilong Hai Komisaris bilong India long Sri Lanka i tok olsem dispela pait i bin stat

long taim ol kaikai na ol arapela samting bilong helpim ol Tamil pipel i bin kamap long Kankesanturai, klostu long Jaffna.

Em i tok ol Tamil paitman i bin pretim ol man husat i bin rausim ol kaikai na ol marasin long dispela tupela sip na long

taim ol soldia bilong India i go long painimaut wanem samting i kirap, pait i stat na ol dispela lain i dai.

Ol pipel bilong Jaffna i gat bel kros nau long sampela lain i bin kilim tupela bikman bilong ol Tamil na wanpela dokta bilong India long las wik Fraide.

Ol dispela pasin i kamap nau bihain long ol soldia bilong India i rausim ol rebel Tamil patiman long Jaffna long Oktoba 23.

Ol mausman bilong India i tok olsem planti moa pipel bilong Jaffna i go bek nau long ol haus bilong ol bihain long dispela bikpela pait long Oktoba 23.



NIU YOK - Amerika - Viyacheslav Zaitsev i putim wanpela soim ol kain kain klos. Dispela ol klos em gutpela long putim long taim bilong ples kol na san long Amerika. Em i namba wan man long Rasia long putim dispela kain so long ol klos nabaut insait long Amerika.



AGAYAN VELI - Filipins - Ol rebel i sambai long woa. Dispela em kain trik bilong Kolonel Rudy Aguinaldo i wok long yusim long taim bilong pait. yu ting ol i sindaun nating tasol nogat tru.

## UN tok Saut Afrika mas lusim Namibia

YUNAITET Nesen Jenerel Asembli i tokaut pinis olsem ol i no amamas long

Saut Afrika i mas stap long Namibia. Long bikpela bung bilong ol, moa long

100 mausman bilong ol kantri i vot long soim olsem Saut Afrika i mas lusim Namibia.

Saut Afrika i lukautim Namibia long Namba tu Wol Woa i pinis i kam inap nau.

# PRESTOCKTAKE CLEARANCE SALE

FITS MODEL	DESCRIPTION	SPECIAL PRICE	FITS MODEL	DESCRIPTION	SPECIAL PRICE
<b>LAND CRUISER</b>			<b>TOYOTA COASTER BUS</b>		
HJ75 LATEST	SUPPORT	K 27	RB11, RB13	MAIN BEARING	K 18
BJ40 SWB	CRANK SHAFT	K190	RB11, ..4F & 4H	SHAFT PROP	K 63
FJ4#, 55	OIL PUMP	K 23	RB10	SHAFT PROP	K 79
BJ40, FJ40, 4F SWB	DRIVE SHAFT	K 98	RB1#	FR. SPRING ASSY.	K 74
FJ55, 4F S/WAGON	PROP SHAFT	K 75			
FJ55, S/WAGON	FR. No 2. SPR. LEAF	K 17			
BJ40, FJ40 SWB	RR. No 2. SPR. LEAF	K 22			
	<b>TOYOTA 6000</b>			<b>TOYOTA HILUX 4x4</b>	
DA11#, DB10#	CYLINDER HEAD	K366	18R-RN36 & 46	AIR CLEANER ASSY.	K 62
FA100, 11#	OIL PUMP ASSY.	K 23	12R-RN25, 20, 2x4	FUEL PUMP	K 63
2D...DA115	CENTRE PIPE	K 45	RN30, LN30	PROP SHAFT	K 63
			RN40, LN40	PROP SHAFT	K 55
	<b>TOYOTA DYNA</b>				
RU1#, OLD MODEL	MAIN BEARING	K 18	RH11, 20, 22LH20		
BU1#, OLD MODEL	CRANK SHAFT	K190	RH1#	DRIVE SHAFT	K 45
5R, RU1# OLD MODEL	OIL PUMP ASSY.	K 21	RH2#, 3#, 42	FRONT DISC ASSY.	K 20
RU10, JU10 OLD MODEL	TAIL PIPE	K 6	LH20, 30	RR No. LEAF SPRING	K 26
5R, RU20, 30 S. TYPE	FRONT PIPE	K 18			
B...BU20, 30, LATE MODEL	INJ. PUMP	K388			
BU1	TRANS. CASE	K511			
RU18, JU18, OLD MODEL	PROP. SHAFT	K188			
RU19 OLD MODEL	DRIVE SHAFT	K101			
RU18, RU19, JU18	FR. COMP. SPRING	K 63			
				<b>STOUT RK101 &amp; 110</b>	
				MAIN BEARING	K 18
				FR. No. 2. LEAF SPRING	K 12
				FR. No. 1. LEAF SPRING	K 19
				FR. No. 1. LEAF SPRING	K 23
				AIR CLEANER ASSY.	K-52
				FR. No. 1 LEAF SPRING	K 23
				RP COMP SPRING ASSY.	K 94

PLUS MANY MORE BARGAINS ON TOYOTA GENUINE PARTS



KIMININGA STREET MT. HAGEN PH 52 2863 PETER RHOADES

# Larim ol liklik balus pundaun long Lae

Dia Edita - Mi wanpela man bilong Morobe Provins. Mi laik autim ol bel hevi bilong mi long Mista Hugo Berghuser Minista bilong Sivil Eviesen.

Watpo tru na em i pasim ples balus long Lae na karim olgeta sevis bilong ol liklik balus tu i go long Nadzab ples balus. Dispela ples balus i stap planti kilomita longwe long ol liklik manmeri husat i no gat ka long i go na kisim balus.

Long wanem hia long Morobe i gat ol planti ol liklik balus kampani we ol balus bilong ol sevisim tru ol manmeri bilong ol liklik distrik. Sapos Minista i laik karim olgeta sevis i go long bikpela ples balus long Nadzab orait em i mas larim sevis bilong Air Niugini tasol i go long Nadzab na larim

bilong ol liklik balus kampani i stap bikos ol i save helpim gut tru ol liklik manmeri bilong Morobe provins.

Plant i ol grasrut pipel bilong dispela provins i bel kros yet long dispela tingting bilong gavman na bilong yu Minista. Bikos mipela i painim taim long i go kam long Nadzab ples balus.

Wanem taim tru bai yupela tokaut long taim Lae ples balus i redi long sevis. Mi i no bilip olsem Lae ples balus i pas olgeta nau. Mi laikim ol Nesenel memba bilong mipela long Morobe provins tu i mas putim het wantaim na pait long dispela hevi em mipela ol liklik manmeri bilong dispela provins i karim nau.

Olgeta de mi lukim ol pipel i karim kago bilong ol

na wetim ol PMV bas na bikpela mani i pinis nating long i go i kam long Nadzab. Na mi sori. Mi yet i bin pulim mipela i go i kam olsem mipela i samting nating.

Em i orait long yupela ol bikman bikos i gat ka long karim yupela i go long longwe ples olsem Nazab. Tasol mipela ol grasrut i wok long safa stret long taim yupela ol bikman i sindaun long gutpela laip.

Olsem na plis larim sevis bilong ol liklik balus i stap long olpela Lae ples balus. Em tasol tenkyu.

**Sam Ben Giamsak, Boroko, NCD.**

# Primia Moaitz mas helpim ol pipel

Dia Edita, Mi wanpela grasrut man bilong Morobe na nau mi stap long Rabaul. Ol pasindia nau em i save i go long ol balus na pundaun long Nadzap ples balus i save kisim taim tru.

Ol dispela pipel i no gat ka bilong ol yet i save sindaun wetim ol PMV longpela taim tru inap long 3 o 4-pela aua olgeta bipo long ol i painim wanpela trak na i go long Lae taun.

Primia bilong Morobe Misis Eni Moaitz i no tingting tumas nau long helpim ol dispela pipel. Planti pipel i wok long krai nau long bikpela hevi i kamap long ples balus sevis namel long Nadzap na Lae taun.

Sapos nogat narapela rot orait mobeta i mas i gat bas sevis bilong Air Niugini long karim ol pasindia namel long Nadzap na i go i kam long ples balus.

Na las tru mi askim gen Primia bilong mipela ol Morobe pipel long strong na stretim dispela hevi wantaim Sivil Eviesen Dipatmen. Helpim mipela ol liklik pipel bilong Morobe na ol grasrut bilong ol narapela provins husat i stap long Lae na ol liklik senta bilong Morobe.

**H.P.Batnimbe, Warongoi/ENBP.**

# Senisim ol olpela plisman

Dia Edita, Mi bin harim redio bilong mi sampela taim long mun Ogas long dispela via we mi harim nius bilong ol plisman i no save harim stori pastaim na ol i save kalabusim nating man na putim em long rumgat.

Mi bilong Maprik distrik long Is Sepik provins na mi yet i bin lukim ol plisman i mekim dispela kain pasin long ai bilong mi stret.

Mi save lukim olsem long taim ol pipel i bikhet ol plisman i save kisim ol na putim ol long rumgat.

Tasol long wankain taim ol i save mekim wantok sistem tu. Ol i save kalabusim tasol ol narapela man. Na long taim ol i painim ol lain bilong ol kai wantok sistem i kamap.

Dispela em i wanpela pasin nogut tru. Mi lukim dispela kain sindaun i wok long kamap namel long ol plisman i tasol long planti hap bilong kantri na mi les olgeta. Dispela kain pasin i wok long bagarapim wok bilong ol plisman na Plis Fos i no gat gutpela nem.

Tude planti pipel i save tingting olsem sapos ol i wokim trabel ol i no inap wari bikos i gat wantok bilong ol i stap long plis stesin na bai em i no inap long sasim ol. Dispela kain pasin i kamap nau long planti ol liklik distrik.

Bikpela wari bilong mi em long ol nupela plisman i mas go kisim ples bilong ol dispela olpela plisman i stap long ol liklik plis stesin olsem bai mipela i ken lukim senis bilong lo na oda i kamap. l

Dispela kain pasin bilong pren, wantok na poroman sistem i mekim na lo na oda i bruk daun. Na ol pipel i stap long laik bilong ol. Plis bos bilong Plis Dipatmen long Wewak o long hetkota long Mosbi, olsem mas skelim na senisim ol kain plisman.

John Laivos. Maprik, ESP.

# Hevi bilong ol Morobe pipel

Dia Edita - Mi wanpela manki bilong Morobe na nau mi stap long Kimbe long Wes Nu Briten provins. Mi bekim pas bilong Bob Jamandi i bin kamap long dispela niuspepa sampela taim i go pinis.

Em i tok Primia bilong Morobe Misis Enny Moaitz i sapotim Minista bilong Sivil Eviesen Mista Hugo Berghuser long pasim olgeta balus sevis i go long Lae ples balus.

Brata yu bin raitim olsem Primia Moaitz i sapotim Minista bilong ol Makam pipel.

Em i bos bilong mipela olgeta pipel bilong Morobe Provins na olgeta pipel bilong ol narapela hap na ol waitman wantaim husat i stap na wok insait long dispela provins.

Mi sapotim toktok bilong yu olsem i tru Primia Moaitz i no tingting long ol pipel bilong ol longwe ples olsem Kabwum, Garaina, Morobe Patrol Pos na ol liklik aut stesen i stap longwe tru.

Dispela ol pipel i save painim taim tru long karim ti na kopi bilong ol i kam long Lae na salim long ol maket na Kopi Marketing Bot.

Lae ples balus i bin klostu tru long ol viles pipel i

no gat transpot i karim kago bilong ol i go salim. Long Nazab ol PMV i save sasim bikpela mani tumas long i kam long Lae siti.

Plant taim ol pipel i save sindaun arere long haiwe long-pela taim tru na wetim ol PMV bas na trak inap tudak. Na narapela de gen ol i go sindaun wet. Ol sampela laki pipel em ol wantok bilong ol i save helpim ol long go kisim balus long Nadzab.

Primia Moaitz yu lida bilong mipela olgeta pipel bilong Morobe. Na yu i no Primia tasol, yu olsem mama tu bilong mipela. Plis harim dispela krai bilong mipela na helpim mipela. Yu no mas bilip tumas long politikis bilong bikpela gavman long Mosbi.

Mipela ol Morobe pipel i stap nabaut long ol narapela provins i kros nogut tru long dispela tingting bilong pasim Lae ples balus.

Hia benefit long husat. Em i wanpela rot tasol. Amamas bilong ol bikman na wari, hevi na sori sindaun bilong mipela asples grasrut stret.

**Joe Pimbat Esoke, Kimbe, WNBP.**

# Taim bilong tanim bel nau

Dia Edita, Mi laik tok tenkyu na amamas long ol man i raskal bipo tasol ol i bin tanim bel long taim dispela Operesen Tanim Bel i kamap long Goroka. Mi bin harim stori olsem ol i bin tokaut long ai bilong papa God long olgeta pipia pasin em ol i bin wokim long taim ol i bin raskal.

Ol wan wan raskal i tokaut long ol man ol i kilim pinis, hamas man i hansapim, hamas meri ol i bagarapim, ol stil pasin na ol arapela rong ol i bin mekim.

Mi laik yupela husat ol brata i bihainim yet dispela pasin nogut bilong graun i mas senisim tingting na tanim bel bilong yupela. Sapos yupela i tanim bel na holim Jisas pikinini bilong God olsem em brata bilong yu bai yu tu lukim na pilim senis i kamap long laip bilong yu.

Sapos yu lusim olgeta dispela pasin nogut bilong graun yu yet bai pilim insait long bodi, na tingting bilong yu bai senis. Yu bai i no inap long wari long bikpela mani, gridi pasin na mekim ol kain pasin nogut gen.

Ol brata na sista mi tokim yupela long dispela jeneresen bai planti kain kain samting i kamap. Na yupela yet i ken lukim ol liklik pikinini mama karim ol i no longtaim ol wok-abaut tasol ol i no toktok klia yet. Na ol pikinini man i liklik yet na mausgras i kamap pinis. Na ol liklik pikinini meri i gat

hamas 9-pela krismas tasol na ol tu susu kamap pinis.

Mi askim yupela long tingtim na skelim ol dispela senis i wok long kamap nau. Na yupela ol brata husat i stap long tudak yet na i wok long mekim ol dispela pasin nogut bilong bagarapim sindaun bilong ol narapela pipel mas pinis nau. Mobeta yupela senisim laip na tanim bel nau.

Bilip na bihainim gutpela sindaun nabai yupela i gat laip bihainim wantaim papa God.


Taim i sot nau na tingim gut laip bilong bihaintaim.

**Damien Mail, Erima Felosip, NCD.**

**Salim pas i kam long:**

**WANTOK NIUSPEPA**

**PO BOX 1982 BOROKO**





# Commodore 15's are here!

# True value!



# Givim moa marasin long ol etpos

Dia Edita,

Mi no amamas long ol kain pasin em i wok long kamap long West Sepik na ol narapela hap bilong kantri we ol sikman i mas baim sut na marasin long haus sik.

Ol pipel i save baim ol dispela sut na marsin long bikpela mani olgeta de tasol sik i no save pinis hariap. Sik i save winim marsin na mani bilong ol pipel i save sot na sik i save i stap yet.

Planti ol pipel i wok long dai bikos sik i winim marasin. Dispela em i stori bilong ol viles i stap long tru long taun. Ol liklik gavman stesen o patrol pos i nogat gutpela saplai bilong marasin. Na ol narapela samting olsem banis, plasta, na ol nil bilong givim sut tu sot.

Mi yet i lukim olsem ol pipel i stap longwe tru long ol bikpela bus, i bilong narapela kantri olsem na gavman i no save tingim ol.

Wanpela sevis em gavman i ken givim long

ol dispela pipel em ol gutpela na stretpela marsin.

Olgeta wokmani, gutpela laip na ol samting i bilong yupela long taun. Ol gutpela kaikai bilong stua tu i bilong yupela. Tasol givim ol stretpela marasin long sevim laip bilong ol liklik pikinini na yangpela manmeri bilong dispela kantri.

Gavman i aipas tumas long wok politik, gridi long mani na gutpela laip bilong ol lida tasol. Hamas bilong yupela bai ritim dispela pas bilong mi na opim ol ai bilong yupela?

Long sampela yia bihain dispela kantri bai sot long ol gutpela manmeri. Planti bai dai long kain kain sik bikos i no gat gutpela marasin saplai i gp long ol etpos long ol viles.

Emil Lawi.  
Vanimo  
WSP.

# I gat rot long go long Nadzab

Dia Edita,

Dispela em i tingting bilong mi i go long ol dispela lain pipel husat i save komplek tumas long Nadzab ples balus.

Watpo na ol pipel i save krai tumas na komplek long Nadzab i long we tumas long Lae siti?

Nazap em i longwe tumas long Kaiapit na Kainantu tu. Ol pasindia i painim rot bihain long ol i pundaun long Nazap. Na long taim ol i laik i go long kisim balus ol i save painim taim.

Dispela tupela senta i stap longwe tru na Lae em i klostu tasol. Na K2 em i no bikpela mani long ol PMV. Na

yu ken i go fri tu sapos yu yusim het bilong yu na askim ol balus kampani na bas sevis bilong ol.

Air Niugini i gat bas evis bilong em nau i wok long karim ol pasindia husat i no gat rot bilong ol. Na Talair tu nau i gat bas sevis long ol pasindia i ran long balus bilong ol. Olsem na maski long komplek planti na givim ol kain kain risen. Yumi krai na kompen nabaut long wanem?

Yupela ol manmeri i save ran long balus i save long painim rot bilong yupela long

graun tu. Sapos yupela pundaun long Nadzab, maski em i longwe, i gat bikpela kolta rot long wokabout long tupela lek bilong yu.

Sapos yupela paul, orait askim ol wokman bilong ples balus long bas sevis bilong ol balus kampani.

Larim gavman i mekim wok bilong en long dispela bikpela ples balus em i bin wokim nating planti yia i go pinis nau. Bikos nau em i traim long pulim bek bikpela mani em i bin lusim long taim dispela ples balus i stap nating.

Justin Ossey.  
Lae. Morobe Provins.

# Askim i go long Kaputin



Dia Edita,

Mi bilong Is Nu Briten long Kabiu komyuniti gavman. Mi man tru bilong Mataugan Asosiesen. John Kaputin memba bilong Rabaul i bos bilong mipela ol dispela lain tasol nau em i lusim olgeta Melanesian Alaiens (MA) na i kalap gen i go long kem bilong Wingti.

Na olsem wanem nau long mipela ol Mataugan na ol MA lain bilong Rabaul.

Bikpela askim bilong mi em long ol sea mipela ol memba bilong Mataugan Asosiesen i bin baim. Mataugan Asosiesen indai olgeta nau na olsem wanem long sea mipela i bin baim long ol bisnis?

Bai yu John Kaputin bekim mani bilong mipela? Na sapos i gat ol sea i stap yet ating i gat intres bai kamap long ol mani mipela putim long dispela Mataugan Asosiesen invesmen. I no nau mipela i bin save putim mani. Long olgeta kibung bilong Mataugan mipela putim mani yet long soim olsem mipela i strongpela memba. Na mipela strong long sapotim yu John Kaputin na ol narapela bikman bilong Tolai husat i bin stap long gavman long dispela taim.

Mi no gat toktok long Mista Kaputin i wok long kalap i go i kam long gavman na Oposisen. Em i laik bilong em wantaim wantok bilong em Ereman Tobaining.

Tasol mi toktok strong long membasip mani bilong mipela planti Tolai pipel. Ol sea em yupela ol bikman (Eksekyutiv) i bin promis olsem bai i gat bikpela winmani i kamap bihain. Tasol kaikai we? Dispela samting i bilong bipo yet long ol yia 1967,68.

John Paep Arawa NSP.

# Tenkyu bilong Buin pipel

Dia Edita,

Mi wanpela man bilong Buin long Not Solomons Provins. Na mi amamas tru long gavman bilong Mista Paias Wingti gavman givim K8 milion i kam long Buka na Buin rot.

Mipela ol pipel bilong Buin i amamas tru long gavman bilong Mista Wingti. Bikos gavman bilong Michael Somare i no bin save givim dispela kain mani i kam long wok bilong ol rot long Not

Solomons Provins bipo.


Nau em i namba wan taim tru long kisim bikpela mak bilong mani olsem K8 milion long wok bilong ol rot tasol. Na em i kam long gavman bilong Praim Minista Paias Wingti.

Em tasol ol pipel bilong Buin i salim bikpela tenkyu na amamas i go kam long yu Mista Wingti.

Waimin Hapia,  
Kieta.  
NSP

## YU BAI LAIKIM TRU TEST BILONG MULI BILONG

# NIU NIU Fanta



Niu Niu 'Fanta' - Niu Niu test bilong Muli bilong Papua Niugini. Traim Niu Niu 'Fanta' tude bai yu laikim em.



Enjoy Fanta

1927



1987



• Boski Tom i namba wan Papua Niugini man long opim Umbukul Komyuniti skul long Nu Hanover. Dispela poto i soim em i sanap wantaim wanpela studen bilong Utu haiskul.



• Pakas Luamas na Julius Tokamara i bin wok long Utu long taim bilong woa i kam inap nau.

# Utu haiskul i winim 60

# ya nau

LOUJAYA DUNAR i raitim

# Winfield 25's



**5 extra King Size cigarettes**

There are five extra reasons for enjoying Winfield King Size.

You get five extra top quality King Size cigarettes in Winfield 25's, for only a few toea more than you pay for most other brands of 20's.

Compare the price, compare the value.

# Big value

UTU HAISKUL long Nu Ailan provins i winim 60 ya nau.

Utu haiskul i bin op long 1927 anit long gavman bilong Australia na ol tisa long skul i bilong Australia.

Boski Tom em i wanpela namba wan Papua Niugini man long stap long Utu long taim skul i op long 15 Ogas 1927.

Em i bin tisa long Umbukul komyuniti skul long Nu Hanova na long 1922 em i go tisa long Malaguna, Is Nu Briten provins. Long dispela taim em i gat 16 krismas tasol.

Long 1942 ol soldia bilong Japan i kisim ol Niugini Ailan olsem na Utu haiskul i bin pas. Olgeta studen na tisa tu i bin lusim skul na go nabaut. Ol Japan i bin bomim ol klasrum na ol opis bilong skul na olgeta skul i bin bagarap.

Wanpela lapun kuk bilong Utu haiskul husat i stat wok long Jun 11, 1966 Pakas Luamas i bin stori olsem, "Long namba wan nait ol Japan i bin kamap long Nu Ailan wantaim balus bilong ol, olgeta manmeri long Kavieng, Kulangit na Maiom viles i ranawe long bus na sampela i go hait long Put Put viles.

"Long taim tulait i bruk ol manmeri i go long Ngavalus viles na sampela i bungim ol Australia soldia long kemp bilong ol long Kalili viles.

"OL Japan i karamapim Kavieng na putim ol ston na kain kain samting long pasim rot. Sampela tisa bilong Utu wantaim ol lain long ples em ol Japan i kalabusim ol long wanpela hap klostu long Panapai plantasin."

Woa i bin pinis long 1949 na long 1950 Utu i bin op gen na long dispela taim Michael Somare i bin tisa long hap.

Long 1960 Utu haiskul i lukim ol nupela klasrum na opis i kamap. Haus pik na kakaruk na fam tu i bin kamap long givim ol studen gutpela kaikai na tu ol i ken salim na kisim mani long helpim skul.

Long 1970 ol buldosa i kamautim hap graun na kokonas bilong Liga plantasin long kamapim pilai graun bilong skul. Na long 1973 skul laibreri i kamap na tu skul i stat long kisim ol meri studen. Bipo tru Utu em i skul bilong ol man tasol.

Ol tisa na studen bilong Utu i lukluk i go bek long 1942 i kam inap nau na ol i ken tok skul bilong ol i gat nem na namba tu ya.



• Somare

# 1988 BASET bilong PNG

## Mani winim bilion kina mak

As bilong 1988 baset em i bilong givim moa sans long ol pipel i stap long ol rural eria long PNG long kamapim gut sindaun bilong ol.

Dispela em i bikpela toktok bilong Fainans Minista Galeva Kwarara long taim em i tokaut long 1988 baset bilong PNG long Palamen long Tunde apinun 10 Novemba.

Baset bilong dispela yia 1988 em inap long mak bilong K1,067 milion. Em i namba wan taim gavman, winim dispela mak bilong mani.

Em i tok strong long wokman bilong PNG long bihain-taim i stap long egrikalsa, timba, na bisnis bilong pis. Na gavman bai wok strong long givim sans long ol pipel bilong yumi long kirapim ol bisnis bilong ol dispela tripela samting olsem bai wokmani bilong kantri i ken stap strong long ol yia bihain.

Mista Kwarara i tok dispela em i wanpela rot tasol long strongim wokman bilong PNG. Tasol em i tok tu olsem kantri bai mas kisim mani long ol kain samting olsem gol na kopa long strongim wok bilong developim ol dispela tripela samting.

Gavman i lukluk long ol dispela foapela bikpela samting long taim em i skelim mani bilong baset:-

- Rot bilong kamapim moa mani insait long kantri
- Rot bilong kamapim moa wok we ol pipel i ken painim wok tu
- Ol pipel yet i kirapim bisnis samting long strong bilong ol
- Bringim developmen i go long ol rural eria.

### 1988 baset bilong kantri

Mani PNG yet i mas kamapim - K880 milion. Em i K4 milion moa long mak bilong 1987.

Mani i kam long PNG yet em K696 milion. Gavman i tingting long kisim K263 milion long ol takis, K258 milion long Kastams, K52 milion long Mineral Risos Stebilaisesen Fan (MRSF).

Gavman i ting bai em i kisim narapela K9 milion long taim em i salim ol sampela bikpela bisnis bilong en. Na mak bilong mani bai i go antap moa long taim gavman i salim olgeta bisnis bilong en long ol yia i kam bihain.

Helpim mani i kam long gavman bilong Australia bai inap long mak bilong K172 milion.

### Ovasis dinau

K46 milion bai kam long STABEX Fan. Gavman bai kisim dinau inap long mak bilong K101 moa long ol ovasis beng.

Narapela K40 milion dinau bai gavman i kisim long ol beng insait long Papua Niugini yet.

Mak bilong olgeta mani insait long 1988 baset bilong Papua Niugini em K1,067 milion. Dispela em i K107 milion moa long mak bilong 1987 baset.

Gavman i brukim mani i go olsem:-

- Eria bilong pulim mani: K134 milion
- Ol rot na bris: K154 milion
- Sosal Sevis: K113 milion
- Lo na Oda: K100 milion
- Administresen: K92 milion
- Provinsal Dipatmen: K141 milion
- Mani bilong bekim ol dinau: K226 milion
- Spesel Aproprisen: K89 milion
- Ol arapela: K18 milion.

### Hamans mani bai ol i kisim:

Eria bilong pulim mani (ikonmik Sekta)  
- Mani inap long mak bilong K134 milion bai i go long dispela eria. Na bai gavman i brukim mani i go long ol dispela wok:-

- Egrikalsa Beng i kisim moa mani tru bikos long astingting bilong gavman long strongim ol wok egrikalsa insait long kantri. Gavman i givim K7 milion long Beng i ken yusim na givimaut dinau long nupela kakao na kopi project na ol i skelim tu K3 milion long ol ples we i no gat developmen i kamap yet. Gavman i tokim Egrikalsa Beng long opim ol opis bilong en long ol provins na gavman bai givim helpim mani bilong lukautim ol dispela opis. Gavman i skelim pinis K1 milion long mekim dispela wok.
- Dipatmen bilong Egrikalsa na Laivstok bai kisim K34

milion long skruim wok bilong en.

- Gavman bai givim K5 milion long helpim wok long Poliamba kakao na we pam developmen.
- Gavman i givim K4 milion dinau mani i go long Kopra Stebilaisesen Fan.
- Gavman i givim K500,000 long helpim ol samting bilong PNG long 1988 Expo long Brisbane, Australia.

### Ol rot na bris

- Gavman i skelim K154 milion olgeta long kamapim ol dispela bikpela wok. Em i K19 milion moa long mani gavman i bin makim long K1987.

- Transpot Dipatmen bai kisim K42 milion. Long dispela mani, K10 i bilong kirapim ol nupela rot.
- Gavman i skelim K2 milion long skruim wok long 9-pela bikpela rot insait long kantri.

### Sosal Sevis

- Gavman i skelim K113 milion olgeta long olgeta wok bilong sosial sevis.
- Dipatmen bilong Helt na Edukesen bai kisim bikpela hap mani tru insait long dispela seksen.
- Gavman i skelim K5 milion i go long fri- edukesen long ol komyuniti skul.

### Lo na Oda

Gavman i skelim K100 milion olgeta long dispela wok. Na bai K3 milion i go long Dipatmen bilong Difens Fos long wokim ol rot aninit long sivik eksen program bilong ol.

### Edministresen

- Gavman i skelim K92 milion i go long dispela eria. K2 milion bai go long ol projek na K5 milion bai i go long ol projek em ol memba bilong Palamen i laik kirapim aninit long Nesenel Developmen Fan.

Wan wan memba bai kisim K40,000 na K20,000 em i bilong kirapim ol egrikalsa projek na narapela K20,000 bai i go long ol kain projek olsem baim ol wara tang na ol kain wok olsem bilong helpim sindaun bilong ol pipel long ilektoret bilong ol.

### Provins

Gavman i makim K234 milion olgeta long tilim namel long ol provins insait long kantri. Dispela mani i no karamapim narapela K14 milion bilong timba na maining royalti.

Bikpela hap mani bilong ol Provinsal Gavmasn i kam long Minimam Ankondfisinal Grant (MUG). Gavman i apim mak bilong dispela mani i go antap long 2%.

Plantu ol projek tu insait long Dipatmen bilong Egrikalsa Investmen Program bai nesenel gavman na provinsal gavman i bung wantaim long kirapim. As bilong dispela kain wok em bikos nesenel gavman i laik ol provinsal gavman tu i stap insait long ol program bilong helpim wokmani bilong kantri.

### Mani bilong bekim dinau

Gavman i makim K226 milion long holim i stap na yusim olsem mani bilong bekim wanem kain ol dinau gavman i gat long bekim. Dispela mani em i K41 milion moa long 1987.

### Ol helpim em 1988 baset i givim

Gavman i laik moa pipel bilong Papua Niugini i go insait long ol kain wok bisnis olsem bai ol i ken helpim sindaun bilong ol yet na tu, bai ol dispela bisnis inap long helpim wokmani bilong kantri long gro na long mekim dispela, gavman i tokaut long ol dispela helpim em inap long givim ol pipel insait long 1988 baset.

### Egrikalsa Beng

Givim moa helpim i wok bilong Egrikalsa Beng  
Gavman i mekim dispela wok nau bikos long 1988 baset ol i makim K27 milion moa long helpim wok bilong beng. Em i 79 pesen moa long mak bilong mani gavman i gigim long 1987 baset.

Gavman i tok Egrikalsa Beng em i wanpela beng we ol pipel long ol rural eria i ken kisim helpim long en. Na gavman bai mekim pasin bilong kisim dinau long ol dispela beng i isi long ol pipel long ples i ken kisim helpim.

Long 1988 Egrikalsa Beng bai givim moa pawa i go long ol opis bilong en long ol provins long helpim ol liklik bisnis bilong wok egrikalsa, timba na pis bisnis. Na ol bikpela projek bai i mas kisim helpim long ol arapela beng insait long kantri.

Gavman i tingting tu long kirapim wanpela wok painimaut long ol rural eria na wok bisnis bilong ol. Asian Developmen bai givim helpim long mekim dispela wok. Wanpela bikpela wok insait long dispela stadi em long stretim gut wok bilong Egrikalsa Beng na painimaut sapos i gutpela long bungim wok bilong Egrikalsa Beng na PNGBC long rural eria.

### Helpim i go long ol ples i no gat developmen

Gavman i makim pinis K3 milion long 1988 baset long go long ol kain bisnis olsem liklik wok egrikalsa, wok timba na pis bisnis. Gavman i makim narapela K2 milion long mekim wanpela wok painimaut tu long ol dispela eria long 1988. Na long narapela foapela yia i kam bihain bai gavman i givim ol dispela kain helpim i go long dispela eria insait long Papua Niugini.

Gavman bai helpim ol bisnis long dispela eria long taim ol i givim helpim mani i go long Egrikalsa Beng. Na Egrikalsa Beng i ken givim i go inap long mak bilong K5,000 long ol pipel.

Na long pinisim olgeta dispela wok, nesenel gavman bai givim helpim mani i go long Egrikalsa Beng long opim ol opis bilong en long ol 19 nupela ples insait long kantri. Dispela helpim mani bilong gavman bai inap long mak bilong K1 milion long 1988.

### Skurim wok bilong Transpot

Gavman i makim pinis 9-pela bikpela rot we ol inap long skruim wok long ol na opim ol ples we ol pipel i ken kisim helpim long wok egrikalsa na wok timba. Gavman i makim pinis K2 milion long mekim moa wok painimaut long dispela bikpela projek bilong ol 9-pela rot ya.

Gavman i makim K3 milion long Provinsal Transpot Asistens Program na narapela K3 milion long skruim moa wok long ol rot i stap insait nau long Papua Niugini.

Gavman i givim K3 milion long Difens Fos i wokim ol rot em gavman i givim tok orait pinis long ol. Na bai ol i yusim dispela mani insait long Sivik Eksen Program bilong Difens Fos long mekim dispela wok.

### Developmen

Gavman i laik grisim ol kampani i kirapim bisnis insait long ol eria bilong kantri we i no gat gutpela developmen i kamap yet olsem na em i kamapim nupela lo we ol kampani i no inap baim takis inap long 10-pela yia. Gavman i no laik ol arapela bikpela bisnis i giman na yusim dispela sans olsem bai ol i no inap long baim takis. Olsem na gavman i makim olkain bisnis husat inap long stap insait long dispela 10yia takis holidé.

### Mani bilong baim haus

Gavman klostu i stretim olgeta wok namel long ol Beng, Nesenel Providen Fan na Pablik Opisas Supanuesen Fan long helpim ol pipel husat i laik kisim dinau bilong baim haus bilong ol.

Gavman i tok orait long helpim ol pipel olsem bai ol inap long baim 9% tasol long intres bilong beng na mak bilong dispela mani bai go daun moa yet long ol pipel husat i no kisim bikpela pe tumas long wok bilong ol.

### Edukesen

Gavman i katim bek mani bilong ol yunivesiti na i tingting long bungim wantaim ol han bilong gavman i save mekim ol wok stadi na wok painimaut

- Gavman i mekim olsem bikos ol i laik sevim mani bikos em i pilim olsem bikpela mani tumas i wok long go long givim skul long liklik lain tasol insait long kantri.

# Bikpela wok painimaut go long 40 distrik

STAT long yia 1988 gavman bai kirapim ol bikpela progem helpim ol 40 distrik husat i no gat bikpela wok developmen i kamap long ol. Ol senta i no gat gutpela sindaun. Olgeta i gat hevi bilong malnutrisen (nogat gutpela

Kaintiba	Gulf	Kikori	Gulf
Gollala	Central	Lousia	Central
Rabarara	Milne Bay	Tari	Southern Highlands
Nipa	Southern Highlands	Koroba	Southern Highlands
Pangia	Southern Highlands	Ialibu	Southern Highlands
Kagua	Enga	Kandep	Enga
Jimi	Western Highlands	Wabag	Enga
Gumine	Simbu	Tambul	Western Highlands
Lufa	Eastern Highlands	Karimui	Simbu
Henganofi	Eastern Highlands	Okapa	Eastern Highlands
Menyamya	Morobe	Wonenara	Eastern Highlands
Kabwun	Morobe	Kaiapit	Morobe
Mumeng	Morobe	Finschaff	Morobe
Ramu	Madang	Rai Coast	Madang
Bogia	Madang	Angoram	East Sepik
Maprik	East Sepik	Ambunti	East Sepik
Lumi	West Sepik	Nuku	West Sepik
Amanab	West Sepik	Telefomin	West Sepik
Pomio	East New Britain	Kandrian	West New Britain
Lake Murray	Western		

kaikai) helt na no gat gutpela edukesen sevis tu. Planti pipel long ol dispela distrik i no gat rot bilong kisim mani. Ripot bilong dispela kain sindaun i stap long rekot bilong Nesenel Senses Opis bilong 1980. Na 1983 Nesenel Nutrisen (Sevei, wok painim aut

long ol kain kaikai em ol pipel bilong dispela hap i save kisim. Na kain sik ol i kisim. Baset pepa i soim olsem i gat planti as long kain sindaun olsem. Sampela distrik i stap longwe tru long ol biktaun ol i no gat rot na gutpela ples balus. Ol narapela distrik i

## Ripot Pauline Laki

• Wanem Dipatmen i statim projek o i gat pinis projek bai givim ful sapot long divisen bilong en long Provins long lukim olsem projek i kamap gut. • Agrikalsa Beng bai

• Bai senisim ol mak bilong takis bihainim yet wok painimaut long bisinis o projek. Dispela progem i stap long 5 yia plen long 1988 baset. Dispela kain wok bai kamap long ol dispela distrik.

## Gavman i brukim K1,067 milion olsem:

ERIA:	K'MILLION.
1. Nesenel Dipatmen	K367,172,300.
2. Mani i stap sambai (general ovahets)	K6,282,300.
3. Stretim ol wok i bagarap i bruk daun (Maintenens wok)	K36,468,600
4. Ol liklik pawa haus	K2,555,900
5. Ol bikpela wok (Kapital Woks)	K69,300,900
6. Provinsal Dipatmen	K135,476,700
7. Ol bikpela Yunivesiti na ol bisnis han bilong gavman olsem PTC, NBC, Elkomb, Habas Bot (Statutory Institution Grants)	K66,774,600
8. Helpim i go long ol provins (Provinsal Grans)	K6,93,900
9. Wok bilong transfa na senisim mani i go i kam (Fainansal Transeksen)	K8,050,00
10. Bisnis Invesmen	K51,929,100
11. Mani bilong helpim Seketeri bilong Fainans na Plening. (Seketeris Advans)	K976,600
12. Mani bilong ol kain Spesel wok (Spesel Apropiesen)	K88,749,100
13. Mani bilong bekim ol dinau (Depts Sevisis)	K226,300,000

Grant Tbtal: Olgeta mak bilong 1988 baset i sanap long K1,067,000

## Skel bilong ol Provinsal Dipatment:

DIPATMEN	K'MILLION	1987
Western	K 5,577,300	K 5,827,100
Galp	K 5,731,600	K 5,854,700
Sentral	K 8,720,700	K 8,894,500
Milne Be	K 8,873,000	K 9,290,600
Oro	K 6,112,800	K 6,354,100
Saten Hailans	K 12,354,000	K 12,888,300
Enga	K 9,329,400	K 9,476,100
Western Hailans	K 11,796,900	K 11,919,000
Simbu	K 8,391,000	K 8,480,200
Isten Hailans	K 6,998,500	K 7,307,500
Morobe	K 7,341,200	K 7,697,500
Madang	K 6,847,000	K 6,173,200
Is Sepik	K 7,157,900	K 6,773,000
Saundaun	K 9,444,700	K 9,683,000
Manus	K 3,380,100	K 3,175,500
Nu Ailan	K 3,248,300	K 3,097,700
Is Nu Briten	K 5,559,000	K 5,195,400
Wes Nu Briten	K 3,873,300	K 3,804,900
Not Solomons	K 4,741,100	K 4,696,800

Olgeta K135,476,700 1987 K137,589,100

## Skel bilong ol bikpela yunivesiti na bisnis han bilong gavman

ERIA	K'MILLION 1988	1987
1. Yunivesiti PNG Mosbi	K12,499,100	K12,577,600
2. Yunivesiti PNG(Medikal Koles)	K 2,317,800	K 2,446,100
3. Yunivesiti PNG(Goroka Koles)	K 2,092,900	K 2,264,200
4. Yunivesiti(Teknoloji)	K11,745,600	K11,927,700
5. Institut(Medikal Risas)	K 1,777,200	K 1,823,300
6. Legal Trening Institut(lo skul)	K 204,900	K 208,400
7. Nesenel Invesment na Developmen Autoriti	K 215,000	K 206,400
8. Institut ov Aplaid Social & Ekonomik	K 353,400	K 416,100
9. Ombudsman Komisn	K 909,300	K 1,050,500
10. Nesenel Brotkasting Komisn	K 7,248,500	K 7,682,000
11. Nautikal Trening Institut	K 433,900	K 444,500
12. PNG Agrikalsa Beng	K26,977,000	K15,097,000
13. PNG Elektrisiti Komisn	nogat	K 750,000

Olgeta mak bilong Statutori Institusen Grans 1987 K66,774,600 K56,143,800

## "Gris" bilong helpim ol distrik i no gat developmen

GAVMAN i tokaut pinis long "gris" bilong pulim ol kampani na bisnis bilong krapim wok long ol ples we i no gat bikpela developmen i kamap nau. Bekim bilong en bai dispela ol bisnis i no inap baim takis inap 10-pela yia stat long Januari, 1988. Dispela toksave bilong ol i baim takis i stap long 1988 baset. I gat 49 distrik insait long PNG we i no gat gutpela developmen i kamap nau. Na gavman i tingting long kirapim moa wokmani long ol dispela eria na i tokaut olsem bai ol kampani i no inap baim takis inap 10-pela yia. I gat lo yet long dispela aidia bilong gavman. Long wanem dispela lo i bilong ol kain bisnis olsem:

- Olgeta kain wok didiman
  - Ol wok bilong mekim ol kain kain samting olsem haus, klos fektori, enjinia wok, wok mekenik, wok timba.
  - Konstraksen...rot, bris, ol haus,
  - Transpot o kirapim o sanapim komyunike-sen
  - Komyuniti, Sosial na Pesenel Sevis,
  - Ril Estet... "Hausing bisnis".
  - Wok mani... bisnis Sevis,
  - Wok bilong sanapim hotel, motel, ges haus, na haus slip bilong ol turis.
- Ol dispela kain wok we bai i kan helpim developmen long ol dispela distrik na ol pipel bilong distrik. Tasol i gat wanpela bisnis em gavman bai pulim takis yet sapos i kamap long ol dispela distrik. Em bisnis bilong maining o painim ol samting olsem gol na kopa. Bikos wok bilong painim ol dispela samting i save bagarapim graun na bus na no gat man inap long stretim gen ol dispela bagarap. Na takis tu bai olsem prais kompensesen bilong bagarapim ples.

## Egrikalsa Beng i win tru long skel bilong mani

GAVMAN i holim yet promis bilong en long bringim moa egrikalsa developmen i go long ol pipel long viles. Olsem na long dispela 1988 baset Agrikalsa Beng i

man bilong ol yet em ol i save winim bikpela winmani tru olgeta yia. Sampela bilong ol em, Ilektrisiti Komisn, P o s t n a Telekomyunikesen, Habas Bot na Nesenel Providen Fan

### Helpim i go long ol Provinsal na Lokal Gavman

ERIA	K'MILLION/1988	1987
Prov Gavman Grans	K4,613,900	K4,679,700
Prov Gavman Fans	K1,012,900	K1,360,300
Helpim bilong Lokal Gavman (grans)	K2,350,000	K1,100,000
Ol Taun Kaansel bai kisim	K1,250,000	nogat
Nesenel Kapital Distrik /wok bilong ol rut na trafik lait long Mosbi.	K1,100,000	K1,100,000

Olgeta...K6,963,900 1987: K5,778,700

## Ol nesenel gavman dipatmen

NESENEL DIPATMEN	1988	1987
1. Nesenel Palamen	K 5,341,700	K 5,279,600
2. Audita-Jeneral	K 2,634,700	K 2,118,000
3. Nesenel Kot	K 1,821,600	K 1,533,000
4. Difens	K 35,284,800	K 33,378,000
5. Koreksenel Sevisis	K 11,536,000	K 11,728,900
6. Ilektrik Komisn	K 1,944,600	K 5,910,200
7. Sivil Eviesen, Kalsa na Turisim	K 24,067,900	K 19,165,500
8. Edukesen	K 42,753,900	K 37,479,400
9. Envairomen na Konsevesen	K 1,875,200	K 1,916,700
10. Fainans na Planing	K 17,950,600	K 13,388,900
11. Forests	K 4,905,300	K 4,543,600
12. Foren Afeas	K 7,823,300	K 7,837,700
13. Hausing	K 6,264,100	K 6,470,900
14. Helt	K 32,772,800	K 32,043,800
15. Hom Afeas na Yut	K 3,717,200	K 4,054,100
16. Tret na Industri	K 2,350,800	K 1,537,000
17. Jastis	K 7,011,900	K 6,645,500
18. Leba na Emploimen	K 1,781,100	K 2,061,100
19. Lans na Pisikal Planing	K 10,467,100	K 8,481,100
20. Mejisterial Sevis	K 2,712,300	K 2,744,500
21. Minerals na Eneji	K 9,700,000	K 8,115,000
22. Plis Dipatmen	K 39,382,600	K 41,081,600
23. Agrikalsa na Laipstok	K 23,924,300	(Tupela nupela Dipatmen)
24. Fisheris na Marin Risosis	K 5,730,000	K 4,390,300
25. Prait Ministra na NEC	K 19,636,300	K 15,080,700
26. Provinsal Afeas	K 16,880,200	K 12,496,000
27. Pesenel Menesmen	K 11,260,500	K 163,900
28. Pablik Sevis Komisn	K 379,600	K 8,354,400
29. Transpot	K 8,860,700	K 5,947,600
30. Woks	K 6,401,600	

Olgeta K340,676,100

Long Beng ov Saut Pasifik, em i isi tru long sevim mani long taim bilong haus bilong yu yet.

# Go for Goal!

Statim wanpela Beng ov Saut Pasifik 'Goal' seving akaun tude... em yu bihainim gutpela rot!

## SEVIM MANI LONG

- Wok stretim bilong haus
- Skul fi
- Ka registresen na insurens Ol nupela tebol na sia samting bilong haus
- Baim tiket long go long ples
- Sevim mani long helpim yu kisim lonmani

- 1 Em i isi. Yu yet tingim wanem 'GOAL' yu laikim long taim yu opim akaun.
- 2 Mipela bai givim yu 'Goal' diposit buk i gat K10 o K20 ol mak bilong mani long en.
- 3 Long taim yu laik putim mani long beng, yu givim tasol mani na ol pepa i makim hamas mani yu laik putim the insait long akaun. Em tasol. No gat man bai askim yu ol kain kain kwesten. Nogat.
- 4 ... Bai yu kisim gutpela Interesmani. Bikos long ol 'Goal' akaun, i no inap yu autim mani bilong yu. Inap long taim yu inapim 'Goal' o mak yu yet i makim, orait, yu ken rausim mani. Bai mipela i givim gutpela interes inap long 6.5 pesen long olgeta mani i winim K100.

Raitimaut olgeta toktok long dispela fom na kisim i go long wanpela hanopis bilong Beng long yu.

Nem: .....

Adres: .....

Mi laik statim

'GOAL' bilong mi em .....


My Goal is: .....

Mi ting mi ken sevim K..... olgeta mun.

Bank of South Pacific Limited

Port Moresby, Boroko, Waigani, Lae, Mt. Hagen, Rabaul, Arawa, Kieta, Baka, Kundawa, Banz, Wabag.

**GO FOR GOAL!**  
Sevim mani long wanpela isi we tru long Beng ov Saut Pasifik



# Somare i rabisim baset bilong Kwarara



• Michael Somare

LIDA bilong oposisen Michael Somare i tok 1988 baset i no gutpela tumas. Em i tok dispela baset i no helpim tru ol ovasis kampani long kam insait long kantri na tu i no helpim wok bilong Helt na Edukesen.

Mista Somare i tok "namba wan samting tru dispela baset i no

gutpela". Em i tok i no gat nupela samting long dispela baset. Tupela nupela samting em nupela Kapital Gain Teks na k5 milien bilong fri edukesen long ol komyuniti skul.

Planti ol bikpela wok insait long Helt na Edukesen bai i no inap kamap bikos baset i no tingim dispela tupela bikpela

eria bilong developmen tu long kantri.

Em i tok dispela baset i no gat nupela rot long soim we gavman bai tromoi mani na we ol bai kisim mani.

Mista somare i tok baset i wok long givim mani i go long ol liklik politikal projek tasol gavman i no gat klia long rot bilong yusim dispela mani.

Mista Somare i tok i tru gavman i givim namba wan sans i go long egrikalsa tasol i no gat ol bikpela

nupela projek i kamap.

Long pinisim toktok bilong em, Mista Somare i tok olsem em i sori tru long Mista Kwarara long tokaut long dispela rabis baset.

Opis bilong Oposisen bai tokaut o bekim toktok bilong 1988 baset long Tunde 17 Novemba.

# Ol primia i no kisim ripot yet

BIHAIN long bikpela hatwok, ol lain bilong Minista bilong Fainens na Plening nau i ken sindaun isi na pulim win. Bikpela hatwok bilong stretim 1988 Baset i pinis, Na taim bilong sindaun na lukim sapos baset bai karim kaikai o no gat.

I gat planti het tok i kamap bihain long Fainens Minista Galewa Kwarara i tokaut long baset long Tunde 10 Novemba 10.

Planti ol saveman na politisen i tok olsem dispela baset i no gutpela. Na sampela i tok em i gutpela. Wanpela gutpela het nau em baset bilong helpim ol rurel pipel.

Ol gutpela kaikai bilong stua olsem smuk sigaret, bia, strongpela dring, na tu planti ol arapela samting bai no gat takis long ol.

Arapela bikpela tok tok nau em i kamap em planti saveman i wok long tok olsem em i baset bilong ol manmeri long taun.

Insait long dispela baset em gavman i bin givim K13 milien long kamapim ol rot insait long PNG. Planti ol rurel pipel bai amamas bikos ol i laikim rot. Tasol mipela i mas wet na lukim kaikai.

Olgeta pipel i autim wari bilong ol tasol bikpela paul tru i bin kamap taim Wantok i laik kisim tingting bilong ol primia long provins long dispela baset.

Hia em sampela bilong ol toktok em Wantok ripota Henry Morabang i bungim long Trinde (Novemba 11). Em i namba wan de bihain tasol long Mista Kwarara i tokaut long baset.

MANUS - Primia Steven Pokawin i no inap mekim toktok long baset bikos em i no kisim yet ful stori long hamas mani tru provins bilong em i kisim.

Wantok i painimaut olsem em i sindaun insait long spesel kabinet miting bilong em long toktok long 1988 mani plen em gavman i givim i no long taim i go pinis.

WEWAK - Nupela primia bilong Is Sepik Bruce Samban i tokim yet wantaim ol edvaisa bilong em. Tasol em bai givim ful stori neks wik.

HAGEN - I no gat primia long makim

maus bilong provins bikos gavman i saspending provinsal gavman. Wantok i no nap bungim toktok bilong Asisten Seketari bilong Fainens long dispela nupela baset.

GALP - Kerema - Wantok i no inap kisim toktok bilong primia Francis Malaisa bikos em i go long ilektoret bilong em long kempen long provinsal ileksen.

MADANG - Primia Ariako Andrew i no inap givim toktok bilong em tu bikos em i no klia tumas long skel provins bilong em i kisim.

KAVIENG - Primia Padi Anis i tok em tu bai no inap givim toktok long ol niusman long tingting bilong em. Em bai wet inap em i klia gut.

ARAWA - Wantok i ring tasol no gat wanpela man i stap long opis.

MENDI - Primia bilong Saten Hailans Yangtin Koromba em i namba wan long tok amamas long nupela baset bikos provins bilong em i kisim namba wan skel insait long 1988 baset.

Tasol em i no amamas tumas long ol i daunim mani bilong dispela yia. Em i tokim Wantok olsem las yia em i kisim moa tasol nau dispela mak i go daun pinis. Em i lusim moa long K534,000.

MILEN BE - Primia bilong Samarai Nevi Aule i tokim Wantok olsem long taim em i kisim ol klia tok long baset orait em bai tokaut long niuspepa.

KIMBE - Primia bilong Wes Nu Briten Joseph Lehen i no bin stap tasol namba tu bilong em Francis Auram i tok olsem em bai no inap mekim wanpela toktok inap em i lukim ol edvaisa bilong provins pas-taim.

Mista Auram i tok em bai toktok wantaim seketri bilong Dipatmen.

COME AND SEE THE GOOD GUYS FOR THE

# ONE TONNE OFFER

ON ALL NISSAN NAVARA UTES



For every one-tonne Nissan Navara sold, the good guys at Boroko Motors are offering one tonne of rice free!

GO SEE THE GOOD GUYS



## BOROKO MOTORS

NISSAN

• PORT MORESBY — 25 5255 • LAE — 42 1144 • RABAU — 92 2777 • MADANG — 82 2433 • MT. HAGEN — 52 1413 • GOROKA — 72 1848 • ARAWA — 95 1566 • KAVIENG — 94 2131 • ALOTAU — 61 1291 • POPONDETTA — 29 7175

SKYLINE D/IN BIG SCREEN MOVIES

TRIPLE ACTION NITES (Two big Nites)

TUE 17th to WED 18th/11/87

Ol pikinini krismas bilong ol aninit long 10 i fri



"KUNG FU STING"

Plus



"MARVELOUS KUNG FU"

Plus



"MANIPULATOR"

Tupela yangpela marit i kisim taim taim ol i painim bagarap long ol birua.

# Tripela de bilong amamasim 50 ya bilong Turuk Peris

TURUK Katolik peris long Wes Nu Briten provins bai selebratim 50 krismas bilong peris long 20 na 22 Novemba.

Dispela tupela de em i bilong tingim bek wok bilong Katolik Sios i bin mekim insait long long dispela peris. Katolik sios i bin go long Turuk long 1937 na statim wok misin.

Siaman bilong Ogenaising komiti bilong dispela de, William Meli i tokim Wantok olsem dispela em bikpela de bilong peris. Em i taim bilong tingim na amamas long ol namba wan misineri husat i brukim bus long go autim tok bilong God.

Em i tok amamas bilong dispela de bai ran inap tripela de olgeta, stat long Fraide na pinis long Sande.

Mista Meli i tok Bisop George Bata bai opim dispela de wantaim bikpela misa. Samting olsem 8,000 manmeri insait long

eria long Sautkos long Wes Nu Briten bai kapsait i go daun long Turuk Katolik Misin long amamasim dispela bikpela de.

Em i tok planti ol arapela bikman olsem Lukas Waka, Bernard Vogae Primia Joseph Lehen na Robert Lawrence bai kamap long amamasim na givim toktok bilong ol long dispela de.

Planti ol singsing grup insait long Gasmata, Walango, Sarap, Pilio na Turuk peris yet na singsing grup bilong Talasea bai wokim ol singsing tumbuna.

Bai i gat bras ben bilong Vuvu Haikul long Is Nu Briten i pilai tu long dispela de. Na bai gat planti gita singsing tu i kamap na ol kain kain liklik pilai bilong ol skul manki.

Program bilong dispela de long i olsem:

Fraide 20th Novemba - Opening  
- Bisop George Bata wokim bikpela lotu.

## HENRY MORABANG i raitim

- Singsing tumbuna na ol arapela kwaia samting bai go pinis long apinun.

- Misa  
- Bisop bai blesim wanpela memori ston

- Na kamapim ol singsing tumbuna

- Na amamas bilong dispela de bai pinis.


- Ol bikman i givim toktok Bernard Vogae, Lukas Waka, Joseph Lehen.

- Skul konset bilong ol skul pikinini.

- Stringben pilai.

- Bras ben bilong Vuvu haikul.

Sarere Novemba 21: Misa



• Bisop George ToBata bai go pas long bikpela lotu.

## Ol Lutheran Yut amamasim de bilong ol

OL LUTERAN Yut insait long kantri i bin amamasim

Thanksgiving De long Sande 8 Novemba. Bikpela amamas tru i bin kamap long wanpela bung bilong ol yut long Lae.

Las ya oli bin bung long namba wan taim tu long amamasim dispela kain de. Planti ol yut bilong Mosbi, Kainantu na Hagen i bin bung long amamasim dispela bikpela de. Dispela de em bilong St Paul Lutheran sios long Lae.

Long Unitech, ol mamba bilong

Lutheran yut i pilai pawa ben na mekim singsing long God. Na i gat ol arapela 7-pela grup tu i mekim wanpela singsing.

Presiden bilong Lae Lutheran Yut, Bapa Bomoteng i tok dispela kain de em bilong olgeta i ken amamas na bung wantaim. Na bikpela as bilong bung ya em long bungim ol arapela yut na save long wanem samting ol arapela i mekim.

Em i tok dispela kain de tu em long bung long soim olsem yumi i no ken strong long ol ovasis lain oltaim.



## Bai mi maritim boipren o?

### DIA LAIPLAIN

Mi bin pasim tok pinis long maritim wanpela man bilong narapela provins. Bipo mi bin bungim em, man ya i bin givim bel long tupela arapela meri. Long taim mi bungim man ya em i no haitim wanpela samting long mi, na mi gat bikpela bilip long em.

Nau em i go wok long narapela provins, na mi harim olsem em i raun wantaim narapela meri na givim bel pinis long dispela meri.

Em i tok olsem em bai maritim mi yet na em i baim papamama bilong mi pinis. Mi nc laik bagarapim nem bilong mi na tu mi nc laik bagarapim tingting bilong papamama bilong mi.

Mitupela i raun wantaim long pela taim na planti pipel i save long dispela. Long taim mi save stap wantaim man ya em i save paitim mi na mi save pret tru.

Bai mi mekim wanem tru long mekim em i luksave long tingting bilong mi no laikim moa.

### UNSURE

### DIA PREN,

Mi ken luksave long belhat bilong you olsem boi pren bilong you i giamanim yu long taim yu stap long narapela ples. Narapela meri ya husat i kisim bel long em i mas belhat nogut tru tu. Na man ya i gat sampela tingting long ol dispela tupela meri husat i kisim bel long em bipo o nogat?

Em i mas gat strongpela laik long maritim yu long wanem em i baim yu pinis. Tasol dispela marit bai stap olsem wanem?

Yu tok tu olsem long taim yupela i no marit yet na yupela i bin stap wantaim em i save paitim yu long



Sapos yu gat wanpela hevi o wari, rait tasol long Laiplain. P.O. Box 6047, Boroko, NCD or ring long 25 7111. Mipela i no inap putim nem tru bilong yu long niuspepa.

taim yu i no amamasim em. Laip bilong yu tupela bihaintaim bai stap olsem wanem? Bikos nau yu save pretim em.

Dispela i no gutpela pasin long statim marit laip. Marit em i ken stap amamas na wanbel olgeta taim sapos tupela marit i gat bikpela laik long ol yet.

Tasol dispela toktok "laik" i gat planti as na i narakain long wan wan manmeri. Long gutpela marit dispela toktok laik i min olsem "Mi bai lukautim yu. Mi laik mekim yu amamas olgeta taim na mi no laik tru long paitim yu o givim yu pen. Mi laikim yu."

Long ol arapela marit dispela toktok laik i min "Mi laikim yu long givim mi amamas o mi laikim yu long stretim olgeta wari na hevi bilong mi."

Amamas i no inap stap long marit sapos man i no laik amamasim meri o meri i no laik amamasim man. Wanem samting tru i ken mekim yu amamas? Mi no toktok long ol samting boipren bilong yu i ken baim. Mi tok long ol samting olsem, inap yu toktok wantaim man bilong yu long ol dispela hevi. Boipren bilong yu inap long lukautim yu long taim yu sik? Em inap long

luksave tu long ol tingting bilong yu?

Yu laik maritim em, nau long wanem yu bin stap longpela taim wantaim em na yu tingting tu long ol samting ol arapela manmeri bai tok long taim yu lusim em. Na tu yu i no laik long semim papamama bilong yu.

Ol dispela samting i kamap long tingting bilong yu long wanem yu tingting tasol long ol toktok ol arapela manmeri bai mekim long yu sapos yu lusim boipren bilong yu. Dispela i no gutpela tingting.

Bikpela samting tru em long tingting bilong yu yet. Yu ting wanem long ol dispela samting? I no gutpela long marit long wanem yu pretim pren bilong yu na tu yu no laik semim papamama bilong yu.

Yu askim tu long wanem samting yu ken mekim long mekim boipren bilong yu i luksave long tingting na hevi bilong yu. Wanpela pasin long stretim dispela hevi em long tokim boipren bilong yu long ol tingting bilong yu. Yu inap long mekim dispela o nogat? O inap yu raitim wanpela pas long em na tokim em olgeta belhevi bilong yu?

Inap yu toktok wantaim papa mama bilong yu long dispela hevi bilong yu? Nogut ol i no amamas long ol dispela tingting bilong yu. Bai gutpela sapos yu senisim tingting bilong yu long marit nau nogut yu marit na stap wantaim belkros na pait long bihaintaim.

Bai gutpela tu sapos yu pre long Papa God long ol dispela hevi bilong yu. Yu save olsem God i laikim yu na em inap long helpim yu long stre-

tim dispela hevi. Askim Papa God long soim yu pasin yu ken mekim long stretim dispela wari bilong yu. Askim Papa God tu long givim yu strong long bihainim dispela tingting em i givim yu.

### MI LAIPLAIN

## SANDE LOTU Frank Mihalic

### JISAS KRAIS I KING

22 Novemba 1987

tri minit tingting

**HOLMAN** Hunt em i wanpela saveman bilong penim ol naispela piksa. Wanpela piksa bilong em i soim Jisasisanapausait long wanpela haus na i paitim dua.

Holman Hunt i laikim dispela piksa tumas na em i amamas long en. Olsem na em i wokim wanpela liklik pati na i singautim ol wanwok i kam lukim dispela piksa. Em i laik bai ol i glasim gut na i givim sampela aidia long em, long stretim ol liklik rong ol i ken lukim long en.

Orait. Ol i kamap long pati na ol i glasim gut dispela piksa i hangamap long banis. Ol i lukluk strong moa, tasol ol i no inap painim wanpela asua; ol i amamas tasol.

Holman Hunt i no hepi. Em i askim ol wantaim moa long lukluk moa yet long dispela piksa na glasim gut, olsem ol bisnisan i save mekim long taim ol i laik baim wanpela piksa.

Ol i traim wantaim moa. Nau wanpela yangpela man tru bilong penim piksa i kamap long bikman na i tokim em olsem, "Mista Hunt, ating mi bin painim wanpela bikpela asua long piksa bilong yu. Yu bin lus tingting long penim wanpela handelo lok o hul bilong ki long dispela dua bilong haus. Olsem wanem bai man i ken opim dua?"

Hunt i putim han antap long solda bilong dispela yangpela na i tokim em isi olsem, "Poro, sapos Jisas i paitim dua bilong haus bilong yu, yu inap opim long insait tasol."

Dispela piksa i gat spesel mining long planti yumi Kristen tude. Long wanem, tude em i de holi bilong Jisas Krai i King. Em yet i bin tok em i king long Jon 18, 37, long kot bilong

Pailat long Gut Fraide. Tasol em i no laik bai Pailat i tingting kranki, olsem na em i tok moa olsem, "Tasol kingdom bilong mi i no samting bilong dispela graun. Nogat."


Long narapela taim na narapela ples, Jisas i bin tok klia olsem, "Dispela kingdom i stap insait long yupela." (Luk 17, 21) Na em i dispela kingdom insait tasol, Jisas i gat interes long en. Em i dispela kingdom tasol, Jisas i laik bosim, na stap king bilong en.

Olsem na long dispela piksa long stori, Jisas i sanap na i paitim dua. Em i olsem em i paitim dua bilong hat na sol na lewa na laik bilong yumi. Maski em i God na em i strong olgeta. Em yet i no save opim dua na go insait. Nogat. YU mas opim. yu mas opim long laik bilong yu yet. Sapos yu laik, yu ken pasim.

Tasol sapos yu opim dua na Jisas i kam insait, em bai kamap king bilong hat bilong yu. Em bai kamap king na bosman bilong tingting na pasin na laip bilong yu.

Tasol dispela i no givim hatwok long yu. Nogat. Em i samting yu laikim tru. I wankain olsem taim yu laikim tru na lus tru long wanpela meri, o wanpela man. Yu bin opim na givim hat na bel bilong yu olgeta long em. Laik bilong dispela man o meri i pulapim tru bel bilong yu na olgeta tingting wantaim. Yu amamas tasol long mekim gut long "lewa" bilong yu. Em i king o kwin bilong hat bilong yu.

Olsem tasol, Jisas yet i laik stap king insait long hat bilong yu. Yu tasol inap long opim dua long insait. Olsem tasol na i no gat handel long dua.



• Steven Willie na Jack Ronde traim ol giaman gras.

## Meri i laikim bikpela gras

• Anna Poi wokmeri bilong PNG Gymnasium

LOUJAYA DUNAR i raitim

ANNA POI em i wanpela meri Simbu husat i save wok long PNG Gym long 6 mail, Mosbi.

Bikpela laik bilong Anna em long gat bikpela na smatpela gras long het bilong em. Planti taim tru em i ritim stori bilong ol kela man husat i go long Bio hair na grass bilong ol i kamap gen.

"Ol lain femili bilong mi i save tokim mi long go long Bio Hair na kisim sampela marasin long mekim gras bilong mi i gro bikpela. Gras bilong mi em i liklik tumas olsem na long las wik tasol mi go na tromwe K61 long baim ol marasin bilong gras," Anna i tok.

Planti manmeri olsem Anna i save pulim lain i go long opis bilong Bio Hair long Mosbi. Bio Hair i tok (20,000) manmeri insait long Papua Niugini i bin salim pas i go long ol na askim ol long rot bilong stapim kela na tu pasin bilong lukautim gras gut.

Manesa bilong Bio Hair Borden Balagan i tok, "Mi bin opim dispela klinik long 4-pela mun nau na planti manmeri tru i save kam wantaim kainkain wari bilong ol.

"Mi save tokim ol gras em bikpela saming tru bai yu lukim ol meri i no save laik maritim ol kela man na tu ol man i save laikim ol meri i gat bikpela o planti gras long het bilong ol."

Em tok, i gat ol marasin i stap long helpim o kela man long kamapim nupela gras gen. I gat tu sampela giaman gras i stap sapos ol man na meri i sem na i laik haitim gras tru bilong ol long taim ol i wok long putim marasin yet. Bihain long 4-pela mun ol i ken rausim na larim nupela gras bilong ol stap ples klia."



**Do "you" want to be successfull in Business?  
Promote your business "Nationwide" by using "RADIO ADVERTISING"**

After all we broadcast from 5.30am to 12 o'clock midnight everyday, bringing entertainment nationwide!

While driving - sailing - working in offices - factories - shops or just walking along "KALANG FM RADIO" is your faithfull companion, selling "YOUR" product, while other medias which have claimed to be the best for advertising can not be read - seen or heard, while doing the above mentioned. Makes sense doesn't it? Music makes people happy!

Besides being one of the best FM radio stations in the pacific region (please check if in doubt), we give news on the hour - short stories - public information.

Our success rate is obvious, ask our bank manager, he is happy with our cheap rates, and our bank balance. JOIN A WINNER by Advertising on KALANG FM RADIO NOW.

Kalang Adverting Inc.  
Advertising Sales Department,  
P.O. Box 1359 Boroko,  
Ph: 25 5233 or 25 4884,  
Where value for money is our motto  
ask some of our valued customers  
(REGISTERED ADVERTISING AGENT)

## Matio laikim moa pawa long NIDA Bot

PROVINSAL memba bilong Komes long Wes Nu Briten gavman Benny Mataio i singaut i go long Nesenel gavman long skelim pawa bilong Nesenel I n v e s m e n Developmen Atoriti (NIDA) i go long ol provinsal gavman.

Em i tok sapos gavman i no laik tilim pawa orait ol i mas makim wanpela opisa long NIDA i go wok insait long wan wan provinsal gavman long lukautim ol dispela wok.


Em i tok sapos gavman i no laik tilim pawa orait ol i mas makim wanpela opisa long NIDA i go wok insait long wan wan provinsal gavman long lukautim ol dispela wok.

Minista bilong Komes i tok Wes Nu Briten i gat wanpela bikpela as tingting tru long larim ol manmeri insait long provins i holim ol wok. Sapos gavman provinsal i gat pawa em bai lukluk strong long pasin bilong kisim ol wokman long wok insait long kompani.

Ol wan wan divisen bilong Komes insait long provins i wok olsem mausman bilong NIDA tasol ol yet i no gat pawa bilong hatim na rau-

# THE INTERNATIONAL **Stessl** RANGE

**ENGINEERED ALUMINIUM BOATS**



**Excellence and perfection, craftsmanship and performance, second to none!**

**Easily, the strongest, softest riding, driest, most practical boats ever built.**

The original and still the leader in the world of offshore small work boats.

Hand built by expert craftsmen to give you everything you require in a truly professional purpose built boat.

**Ideal for PNG'S waters!**

**Yellowfin**  
**Custom Built Boats**

**Quintrex**  
ENGINEERED ALUMINIUM BOATS

**INTERNATIONAL Stessl**

Media Brokerage International

**Steamships - MACHINERY**

Port Moresby 259066 • Madang 823021  
Rabaul 921061 • Lae 424799



# De bilong tingim ol Volantia 5 Desemba

DISEMBA FAIV long dispela yia em Intenesenel Volantia de.

Em i de we Yunaitet Nesen Jeneral Asembli i bin makim long olgeta manmeri long wol i amamas na tingim bikpela wok ol volantia manmeri i save mekim insait long wan kantri long wol.

Insait long Papua Niugini i gat ol kain kain volantia ogenaisesen olsem Red Cross, Salvation Army, Japanese Intenesenel Co-operation, St John's Ambulance, Yunaitet Nesen Volantia Ogenaisesen, CUSO, Peace Corp na planti arapela moa.

Dispela Intenesenel Volantia de em i taim long tingim gutpela

## LOUJAYA DUNAR i raitim

wok ol volantia manmeri i bin mekim insait long ol liklik viles na bikpela taun ol gutpela hap na ol ples nogut.

Tingim sapos ol dispela volantia wokman i no stap bai yumi painim gutpela sindaun olsem wanem?

Yunaitet nesenen i tok long makim dispela de ol manmeri long wan wan kantri i ken planim diwai o wokim posta kompetisen, musik konsert o singsing long makim amamas bilong yumi long wok bilong ol volantia insait long Papua Niugini.



• Sampela Yunaitet Nesen volantia husat i wok nau long Papua Niugini

## Nu Ailan minista hatim bisnis han bilong provins

PROVINSAL minista bilong Fainens na Plening insait long Nu Ailan gavman Ezekiel Waisale i askim Nu Ailan Dvelopmen Kopresen (NIDC) long mekim gut wok bilong bringim ol projek i kam insait long provins. Na Ailan Dvelopmen Kopresen em i bisnis han bilong provinsal gavman.

Minista i mekim dispela ol toktok long Karu Dvelopmen Projek bikos i no gat gutpela lukaut na wok bilong em.

Mista Waisale i tok long taim ol i kirapim wok bilong Egrikalsa Beng NIDC i no mekim wanpela wok liklik long traime bringim ol projek i kam insait long provins.

Em i tok wok bilong Nu Ailan Dvelopmen em bilong paitim toktok wantaim gavman long bringim ol kain kain wok long provins. Mista Waisale i tok long taim dispela nupela gavman bilong Nu Ailan i bin stat, i no gat wanpela wok tru em NIDC i wokim.

Em i tok bikpela toktok em i sutim i go long Egrikalsa Beng. Em i tok beng i no save wok gut wantaim ol pipel. Nau NIDC i painim hat liklik long mekim ol wok bilong em.

Mista Waisale i tok dispela kain pasin ol i mekim long stapim ol dvelopmen i kamap long provins i no gutpela tru. Olsem na em i askim siaman bilong Karu Dvelopmen long askim gavman long stretim toktok wantaim beng long kirapim ol wok.

## Bouraga opim nupela han bilong St John

ST JOHN Embulans i gat narapela divisen nau long kantri. Dispela divisen i stap long Finsafen, Morobe Provins.

Siaman bilong Nesenel St John Kaunsil Phillip Bouraga i bin opim dispela nupela divisen long Fraide 6 Novemba.

I gat 24 memba na Elia Kalvas Macnell i superintenden bilong dispela divisen.

I gat 15, ol namba bilong St John volantia grup i stap nau long Papua Niugini. O



• Phillip Bouraga

dispela lain i save wok nating na i no save kisim mani long ol wok ol i mekim.

Mista Bouraga i opim dispela nupela divisen na em i tok em i amamas long lukim olsem wok bilong St John i kirap tu long ol rural eria.

New

Dunhill De Luxe  
25's

Always in  
good taste


Also available in 15's

Created by our blenders  
from tobaccos of exceptional quality

dunhill

# Molly i painim gutpela ples bilong kisim win

TUHAT long Mosbi long nait yu ken i winim paia stret. pilim ples i laik kol Long san ol man-tasol no gat win i meri save laik kamap. waswas klostu na Mosbi em olsem yet.



● Jerry na Molly Dunar long haus bilong ol.

Ples i save pulap long das-na drai tru i go inap Krismas na bikpela ren i save pundaun.


Liklik pusi bilong Jerry Dunar wanpela atis bilong EMTV i save painim ples long slip na kisim gutpela win long taim san i hat.

Dispela pusi ya Molly i save kalap i go insait long bokis ais long taim papa bilong em i opim dua na laik kisim wara. Oltaim em i save was long olmanmeri i go kam na kisim wara insait long bokis ais na em i save olsem dispela hap i ples bilong kisim kol wara.

Orait long taim pilim hat nogut tru em i save go na karai arere long dua bilong bokis ais i go inap papa bilong em i opim dua. Em nau bai i go insait na sindaun gut i go inap skin bilong em i kol na em i pilim inap nau bai em i kam ausait.

"Molly em i meri

bilong pilai stret na ol save sapos em pilai i save ran i go long wara o slip insait," manmeri long haus i go na em i sotwin em i bokis ais long dring Jerry i tok.



● Molly i go slip isi tasol insait long bokis ais.

## CALLING ALL BANDS

Mipela salim ol samting bilong musik...

Emplifaia  
Spika  
Dram  
Gita  
Trombone  
Flut  
Mout ogan  
Konsetina  
Piano akordian  
Let bilong gita  
String bilong gita  
Skin bilong dram  
Ol song buk na kod buk

Bateri  
Emplifaia  
bilong gita  
Led na bas

K140.00  
tasol post  
nating

## ROOK'S RADIO

P O Box 191

Lae, PNG

Telepon 42 4616

## Gavman rausim

NESENEL

GAVMAN i rausim pinis ol memba bilong Nesenel Kapital Interim Komisin bot.

Long dispela taim ekting siaman bilong


## NCDIC Bot

bot Mr Jack Pidik i bin stap long Kanada. Mista Pidik i kam bek long kantri pinis tasol em i no mekim wan-

pela toktok yet long pasin gavman bin rausim em. Ol toktok i kam long opis bilong Praim Minista Wingti i tok olsem dispela i bihainim tasol wanpela nupela ekt ol i bin oraitim long las bung bilong Palamen.

Nesenel gavman i no bin mekim rait pasin taim ol i rausim Mista Pidik na ol arapela memba bilong bot, long wanem dispela nupela ekt i tok tu olsem taim gavmani rausim olpela bot memba ol i mas tokaut long ol nupela memba.

Long dispela taim gavman i no tokaut long ol nupela memba bilong bot. Ol memba bilong Bot em, Mista Jack Pidik, Mista Dadi Toka, Mista Brian Bell na Mista Joe Morehari.



● Pidik

## Bikpela laki tiket resis bilong Ret Kros i op

ELA MOTOS kampani i givim bikpela helpim long PNG Ret Kros Sosaiti long dispela wik.

Kampani i givim moa long K75,000 long ol kain kain prais long wanpela bikpela laki tiket resis bilong Ret Kros Sosaiti. Dispela kain resis em bilong bungim mani long mekim ol wok bilong Ret Kros.

Spika bilong nesenel Palamen, Akoka Doi i bin opim dispela nupela resis bilong Ret Kros long Badili Ela Motos las wik.

Namba wan prais insait long dispela laki tiket resis em wanpela bikpela haus. Dispela haus i gat tupela rum bilong slip. Na haus ya i stap long Tokarara. I gat 3-pela ka, na wanpela moto

ensin bilong spitbot na tu TV em ol pipel i ken winim long dispela resis.

Ol i salim ol dispela tiket bilong winim ol dispela prais long K2. Dispela ol mani ol i kisim bai go long strongim kain kain liklik brens bilong Ret Kros insait long PNG.

Siaman bilong dispela komiti bilong Ret Kros, Mista Joe Chow i tok em i tingting olsem ol bai salim moa long 100,000 tiket. Em i tok olsem em i gat bilip olsem ol bai salim 300,000 tiket insait long tupela mun tasol. Taim bilong salim tiket bai pas long Februeri long 29 neks yia. Na bai ol i tokaut long ol wina bilong ol dispela prais.



# Neugini Didiman Supplies

Importers, Distributors & Stockists of

- FERTILIZERS
- STOCK FEED
- AGRICULTURAL CHEMICALS
- FENCING MATERIALS
- GENERAL PLANTATION SUPPLIES
- HARDWARE
- PASTORAL SUPPLIES

## MOUNT HAGEN

RETAIL: 52 2104

W/SALE: 55 1562

ADMIN: 52 1106

TELEX NE 55121 WAGKLOS

CHINATOWN, MT. HAGEN


P.O. BOX 498, MOUNT HAGEN

# Man trikim ol tewel na kisim kundu




WHICH OF THE NUMBERED PICTURES BELONGS TO THE NEGATIVE IN THE TOP LEFT CORNER? Mark it with a X

SAL HAD HER PORTRAIT PAINTED EIGHT TIMES BUT ONLY ONE SHOWED A TRUE LIKENESS. WHICH IS IT? STUDY SAL HERE THEN COMPARE WITH THE FRAMED VERSIONS




WRITE YOUR ANSWER here

THREE OF THESE DO NOT HAVE A DOUBLE... WHICH THREE?



WRITE YOUR ANSWER here

BIPO, BIPO long taim bilong tumbuna, wampela man bilong ples Yakalu i bin go raun long bus. Em i raun i go, i go na em i kamap long as bilong wampela diwai we i gat planti pekpek bilong wel paul tru.



STORI TUMBUNA

Dispela diwai we em i wampela diwai ton. Na oltaim pisin i save go sindaun long han bilong en na pekpek i go daun.

Man ya i lukim na em i amamas na em i tok neks de bai em i go long dispela diwai na was i stap na kilim pisin ya. Em i tingting olsem na raun i go bek long haus bilong em.

Bihain long namba tri de man ya i tingting long go bek long bus na sekap long ol trep em i bin putim long bus. Long apinun em i kuk kaikai pinis na em i lusim ples na wokabaut i go long bus. Em i go inap em i kamap long liklik bus haus bilong em. Em i putim ol samting insait long haus ya na em i karim spia na banara bilong em na em i go sekap long ol trep bilong em.

Em i sekap long trep i go, i go inap em i kamap long as bilong diwai ton we wel paul i save slip long en. Long taim em i kamap klostu em i lukim pisin i go antap pinis long diwai na slip i stap.

Man ya i kisim spia

na banara bilong em na em i go antap isi tasol long wampela diwai i stap klostu long dispela ton. Em i go antap sindaun gut pinis na makim spia long sutim pisin. Tasol pisin i tanim lukim em na kwik taim tru em i kirap flai i go long bus.

Em nau tarangu man ya i go daun gen long graun na kisim ol samting bilong em na go bek long liklik haus. Em i no kisim ol arapela samting long liklik haus ya na em i laitim bombom na wokabaut i go bek nau long bikples.

Em i wokabaut i kam klostu long ples Kapu na em i harim ol tewel i kaikai mango na ol i wok long singsing raun long as bilong mango i stap. Man ya i lukim olsem na em i pret nau. Tasol i no gat narapela rot long bihainim i go bek long ples. Em wampela rot tasol ya ol tewel i banisim pinis.

Man ya i sanap tingting no gat nau na

em i kirap i go haitim ol samting bilong em long bus. Na em i go daun waswas long sting wara long as bilong saksak pinis na em i kam antap. Skin bilong em i sting na smel nogut olsem smel bilong ol dispela tewel ya.

Orait em i kam ausait na wokabaut isi, isi i go kamap long ples we ol lain tewel ya i wok long hatim singsing i stap. Em i go sanap liklik na em i lukim wampela tewel i sotwin pinis long singsing. Orait isi tasol em i go kisim baga ya kundu bilong em.

Tewel i harim olsem na em i kirap tanim na lukim man ya. Na em i askim, "Yu kam olsem wanem?"

Man ya i giamanim tewel na tok, "Mi stap long ples bilong mi na mi harim kundu i pairap olsem na mi kam long helpim yupela long singsing."

Tewel ya i harim na em i ting man ya i wampela bilong ol olsem na em i kirap givim kundu long em na ol i hatim singsing i stap. Ol i singsing i go, i go na man ya i harim pisin bilong tulait i singaut. Na em i save olsem klostu bai tulait nau.

Ol tewel i hatim singsing yet na man ya i singsing wantaim ol i go, i go na ol pisin i singaut gen. Em nau man ya i lukim wan wan tewel i lusim as bilong mango na ol i



stat long go bek long haus bilong ol.

Em i lukluk gut na lukim wampela i go insait long as bilong aran, wampela i go insait long as bilong wel banana, wampela i go insait long hul bilong graun na ol arapela i ranawe i go insait long bus na go pinis long ples bilong ol.

Long taim tulait i bruk olgeta, man ya i lukim olsem olgeta tewel i go nabaut pinis long ples bilong ol. Em i lukim olsem na em i kirap go kisim ol samting em i bin haitim insait long bus. Na em i karim kundu bilong tewel em i bin kisim long nait na em i wokabaut i go bek long ples bilong em.

Long taim em i go sanap long wampela maunten em i paitim dispela kundu. Na ol

tewel i harim kraik bilong kundu na ol i paitim han na tok, "Ating wampela tewel i mas trikim yumi na kam singsing wantaim yumi na em i karim dispela kundu bilong yumi i go."

Ol tewel i save kolim yumi ol man tru ol tewel. Man ya i kisim dispela kundu i go kamap long haus bilong em na em i kisim ol kanda na pasim kundu long namba wan pos long haus bilong em.

Long nait ol tewel i bihainim em i kam long ples na mekim em i slip indai olgeta. Na ol i kirap lusim kundu man ya i bin pasin na karim i go bek long ples bilong ol.

Em tasol tumbuna bilong mipela. August Nick, P. O Box 8, Vanimo.

## SKRUIM TOK

Lep i go long rait -

- Namba faiv mun.
- Apim sel bilong bot.
- I no longpela man.
- Namba wan kaikai bilong ol Papua Niugini tude.
- Moitaka \_\_\_\_\_ i save kamap long Mosbi long mun Jun.
- Vincent \_\_\_\_\_ em man i raitim dispela buk The Crocodile.
- Planti pipel long PNG i gat ol dispela kain haus nau.
- Muv nabaut na pairap i kamap.
- Wampela kain pis.
- Wabag em i bikpela \_\_\_\_\_ long Enga provins.
- Milen Be provins i stap long \_\_\_\_\_ hap bilong PNG.
- Belhat.
- Samting i save ran long rot.
- Sarap!
- Narakain.
- Bekim bilong hat-wok.
- Amerika.
- Klaut.
- Em \_\_\_\_\_ go nau.
- Adam \_\_\_\_\_ Eva.
- Sap samting bilong katim ol samting.

- Consort Brothers na Hagen Tigers em tupela ragbi \_\_\_\_\_.
  - Sampela pipel i save laik dringim long moning.
  - Wampela han bilong Dipatmen bilong Plis.
  - Spesel mambu em ol man i save subim gras bilong ol i go insait long en na gras i gro longpela.
  - Long taim man i tromoi bal o wampela samting na yu holim.
- Antap i go daun**
- Het bilong kanu.
  - Yu tasol.
  - Man i save klinim haus.
  - Dispela samting i save kamap insait long bokis ais.
  - Wampela kap ti na tupela hap bret em \_\_\_\_\_ bilong moning.
  - Long taim bilong Wol Woa 2 ol man olsem Pita Simogun \_\_\_\_\_ long Australia.
  - I kam yet.
  - Long taim ol arapela lain i lap long yu bai yu pilim olsem.
  - Kap bilong wokim ti.
  - Win i save kirap namel long mun Me

	1		2			3	4	5		6	7
8		9			10					11	
12				13					14		
15			16					17			
	18									19	20
21				22	23		24		25		
26	27			28							
		29									
30				31			32		33		
34		35				36			37		
38					39			40			
			41							42	

- na Oktoba.
- Lep han.
- Man Wes Irian ol Indonesia i bin kilim.
- I \_\_\_\_\_ Ailan provins.
- Ol pikinini i save guria long kaikai dispela samting.
- I orait.

- Klap bilong ol eks sevisman.
- Tabak, sigaret na brus em tripela.
- Minista bilong Edukesen.
- Patrol pos long hap bilong Menyamya.
- \_\_\_\_\_ na siling em

- olpela mani bilong PNG.
- Sir \_\_\_\_\_ Lus.
- Long taim kiap i singaut sampela lain i save bekim olsem "Yes".
- Primia bilong Nu Ailan Provins.
- Papua \_\_\_\_\_ gini.
- Tenkyu.

# WANTOK TOKSAVE BOKIS

## BETDE GRITINGS



Belated Birthday Greetings  
(25.10.87)

C. Emma Ganisi

Special greetings from Solomon Ganisi also from Ivan, Sam, Tim, Luann, Freddy, Schola, Menertha and lastly from the Kool and the Gang of Word Publishing Company.

## Belated Birthday Greetings




Happy 5th birthday wishes and greetings to our dear niece, daughter, cousin and sister **MARIE JAN-GUAN**. Wishes and greetings com-

ing your way from, daddy Capt Jay and mum Leoba, sist Delma, uncles Bruce and Dominic, uncle Jack Mandukara and family all of PNGDA, Igam Bks, Lae. Also from Uncles Bernard Sui, Eddie Posi and Chris of Unitech.

In POM city wishes from aunty Florence and cousins Jonathan and Jill, uncle Greg Waimbun and Uncle Knox Kapoi of 1PIR Taurama Bks and finally but not the least manmari Wau Sogeri.

**HAPPY BIRTHDAY MARIE!**



**MARJELLA NNIKU** of Arawa will be 7 years old on 13th Nov, 1987. **BIRTHDAY GREETINGS** from Daddy, Mummy, only bro Richard of Arawa section 6. All the bubus, Aunties, Uncles, Nieces and Nephews of Arawa ples. Thinking of you on your b/day are uncle Tim and Freddy of POM. We love you heaps, Marj!!! **HAPPY B/DAY.**

## TOKSAVE

### PAINIM BRATA

Dia Brata **SAMUEL RUNEFA WAI**. Mi brata bilong yu **HENDRICK NERO WAI**. Raitim dispela leta i go long *Wantok*. Long yia 1979 yu bin lusim asples bilong mitupela na i go long Rabaul. Mi no lukim wanpela pas bilong yu. Yu no bin rait long mi na i kam nau 1987 olsem wanem. Yu i stap long Rabaul o Kavieng.

Olsem wanem yu wok o stap pasindia long taun. Olsem wanem yu tingting long mama papa o nogat. Yu no inap raitim pas na toksave save yu stap we. Plis mi brata bilong yu **HENDRICK NERO WAI** i wari tru long yu long lukim pes bilong yu. Inap yu raitim pas long mi long dispela adres.

**MR HENDRICK NERO WAI,**  
**RAMU SUGAR LIMITED,**  
**P.O. BOX 2183 LAE.**

Mi laik painim tupela brata bilong mi. Tupela i lusim mi long ples Yowai long yia 1985. Na mi no lukim pes bilong tupela liklik. Na tu tupela i no save rait liklik long mi. Nem bilong tupela em:

**JACOB WAI SANDE**  
na  
**WESLY WAISIME**

Tupela i go long Boroko long N.C.D, Pot Mosbi. Na tupela i no raitim pas liklik long mi olsem na mi salim toksave i go long tupela.

Tupela i stap yet long dispela hap o i go pinis long sampela hap. Sapos yutupela i stap yet long dispela hap na lukim toksave bilong mi, raitim pas i kam long dispela adres o ring i kam long: Philip Wai

Kina Trading Pty Ltd,  
P O Box 432,  
Kieta, N.S.P. Ph: 95-6094.

Mi wanpela manki na nau mi stap long Madang na mi laik salim sampela warm gritings i go long ol dispela lain manki wantok husat i stap long kol ples Mt Hagen.

- (1) Philip Sowe Karol
  - (2) Kutwin Wasim Willie
  - (3) Joseph Charlie Masueng
  - (4) Clemson Jim
  - (5) Mr & Mrs Leo Bakaram
  - (6) Paul Hilda na olgeta family.
- Toksave olsem traim na raitim sampela pas i kam daun long mi. Lukim yupela olgeta long Krismas taim.

## NTN GUIDE EM TV

THURSDAY 12 NOVEMBER 87	6.35	NTN	WONDERFUL WORLD OF DISNEY	(G)
3.55	NTN	MEDITATION		
3.57	EMTV	STATION OPEN		
3.58	EMTV	EMTV NEWS BREAK		(G)
4.00	NTN	ROMPER ROOM		(G)
	EMTV	SESAME STREET		(G)
4.30	NTN	EARTHWATCH		(G)
5.00	NTN	LITTLEST HOBO		(G)
	EMTV	KIDS KONA		(G)
5.25	NTN	COMMUNITY NOTICE BOARD		(G)
5.30	NTN	MY THREE SONS		(G)
	EMTV	GILLIGANS ISLAND		(G)
6.00	NTN	NTN NEWS SPORT AND WEATHER		(G)
	EMTV	MONKEES		(G)
6.30	EMTV	NATIONAL EMTV NEWS		(G)
6.35	NTN	M*A*S*H		(G)
7.00	NTN	NEW DICK VAN DYKE SHOW		(G)
	EMTV	HAPPY DAYS		(G)
7.29	NTN	BIG DOG GOODNIGHT		(G)
7.30	NTN	A COUNTRY PRACTICE		(PGR)
	EMTV	SOME MOTHERS DO AVE EM		(G)
8.00	EMTV	AND MOTHER MAKES THREE		(G)
8.28	EMTV	EMTV NEWS ROUND UP		(G)
8.30	NTN	MAGNUM P.I.		(PGR)
	EMTV	SPECIAL SQUAD		(AO)
9.30	NTN	KUNG FU		(PGR)
	EMTV	PNG TONIGHT		(G)
10.00	EMTV	STATION CLOSE		
10.30	NTN	NTN LATE NEWS		(G)
11.00	NTN	MEDITATION		
11.05	NTN	STATION CLOSE		
FRIDAY 13 NOVEMBER 1987				
3.55	NTN	MEDITATION		
3.57	EMTV	STATION OPEN		
3.58	EMTV	EMTV NEWS BREAK		(G)
4.00	NTN	ROMPER ROOM		(G)
	EMTV	SESAME STREET		(G)
4.30	NTN	EARTHWATCH		(G)
5.00	NTN	LITTLEST HOBO		(G)
	EMTV	KIDS KONA		(G)
5.25	NTN	COMMUNITY NOTICE BOARD		(G)
5.30	NTN	MY THREE SONS		(G)
	EMTV	TOM AND JERRY		(G)
6.00	NTN	NTN NEWS SPORT AND WEATHER		(G)
	EMTV	MONKEES		(G)
6.30	EMTV	NATIONAL EMTV NEWS		(G)
6.35	NTN	M*A*S*H		(G)
7.00	NTN	GOOD TIMES		(G)
	EMTV	THE EM REPORT		(G)
7.29	NTN	BIG DOG GOODNIGHT		(G)
7.30	NTN	ALF		(G)
	EMTV	FAME		(G)
8.00	NTN	WHO'S THE BOSS		(PGR)
8.28	EMTV	NEWS ROUND UP		(G)
8.30	EMTV	SPORTS SPECIAL "Mazda Pacific Bowls" Lae COLUMBO		(PGR)
9.30	EMTV	MOVIE "No place to run."		(PGR)
9.55	NTN	AUSTRALIA V ARGENTINA 2ND RUGBY UNION TES		(G)
10.15	EMTV	STATION CLOSE		
11.40	NTN	NTN LATE NEWS		(G)
12.10	NTN	MEDITATION		
12.15	NTN	STATION CLOSE		
SATURDAY 14 NOVEMBER 87				
12.00	NTN	GOOD AFTERNOON PNG		(G)
12.30	NTN	BIG DOG AND FRIENDS		(G)
1.30	NTN	SOUNDS		(G)
3.57	EMTV	STATION OPEN		
3.58	EMTV	EMTV NEWS BREAK		(G)
4.00	NTN	NTN SPORTCENTRE		(G)
	EMTV	BATMAN		(G)
4.30	EMTV	BIG LEAGUE SOCCER		(G)
5.30	EMTV	RIPLY'S BELIEVE IT OR NOT		(G)
6.00	NTN	NTN NEWS SPORT AND WEATHER		(G)
6.30	EMTV	NATIONAL EMTV NEWS		(G)
6.35	NTN	WHIZ KIDS		(G)
7.00	EMTV	BORN FREE		(G)
7.29	NTN	BIG DOG GOODNIGHT		(G)
7.30	NTN	SATURDAY NIGHT MOVIE "The tall T."		(PGR)
8.00	EMTV	BJ AND THE BEAR		(PGR)
8.55	NTN	WORLD CHAMPIONSHIP WRESTLING		(G)
8.58	EMTV	EMTV NEWS ROUND UP		(G)
9.00	EMTV	MOVIE "Remember when"		(PGR)
9.55	NTN	DETECTIVE IN THE HOUSE		(PGR)
10.55	EMTV	STATION CLOSE		
10.55	NTN	NTN LATE NEWS		(G)
11.25	NTN	MEDITATION		
11.30	NTN	STATION CLOSE		
SUNDAY 15 NOVEMBER 87				
1.25	NTN	MEDITATION		
1.30	NTN	JIMMY SWAGGART MINISTRIES		(G)
2.30	NTN	PERSPECTIVE		(G)
3.00	NTN	ADVENTURES OF BLACK BEAUTY		(G)
3.45	NTN	MOVIE "Bomba and the jungle girl"		(G)
3.57	EMTV	STATION OPEN		
3.58	EMTV	EMTV NEWS BREAK		(G)
4.00	EMTV	K.T.V.		(G)
4.30	EMTV	SPORTS WORLD		(G)
5.00	NTN	YOUNG TALENT TIME		(G)
5.30	EMTV	SOLID GOLD		(G)
6.00	NTN	NTN NEWS SPORT AND WEATHER		(G)
6.30	EMTV	NATIONAL EMTV NEWS		(G)
6.35	NTN	MEDITATION		
7.00	NTN	WONDERFUL WORLD OF DISNEY		(G)
7.00	EMTV	WEBSTER		(G)
7.29	NTN	BIG DOG GOODNIGHT		(G)
7.30	NTN	LOVE BOAT		(PGR)
	EMTV	MOVIE "Young Pioneers II 'Sky in the window'"		(G)
8.30	NTN	SUNDAY NIGHT MOVIE "Bless the beasts and children."		(AO)
9.19	EMTV	EMTV NEWS ROUND UP		(G)
9.20	EMTV	SOFTBALL HIGHLIGHTS		(G)
9.50	EMTV	THE EM REPORT		(G)
10.20	EMTV	STATION CLOSE		
10.25	NTN	NTN LATE NEWS		(G)
10.55	NTN	MEDITATION		(G)
11.00	NTN	STATION CLOSE		
MONDAY 16 NOVEMBER 87				
3.55	NTN	MEDITATION		
3.57	EMTV	STATION OPEN		
3.58	EMTV	EMTV NEWS BREAK		(G)
4.00	NTN	ROMPER ROOM		(G)
	EMTV	SESAME STREET		(G)
4.30	NTN	EARTHWATCH		(G)
5.00	EMTV	KIDS KONA		(G)
	NTN	LITTLEST HOBO		(G)
5.25	NTN	COMMUNITY NOTICE BOARD		(G)
5.30	NTN	MY THREE SONS		(G)
	EMTV	SKIPPY		(G)
6.00	NTN	NTN NEWS SPORT AND WEATHER		(G)
	EMTV	MONKEES		(G)
6.30	EMTV	NATIONAL EMTV NEWS		(G)
6.35	NTN	M*A*S*H		(G)
7.00	NTN	DIFFERENT STROKES		(G)
	EMTV	HAPPY DAYS		(G)
7.29	NTN	BIG DOG GOODNIGHT		(G)
7.30	NTN	THE WORLD AROUND US		(G)
	EMTV	FLYING DOCTORS		(G)
8.28	EMTV	EMTV NEWS UPDATE		(G)
8.30	NTN	IT TAKES A THIEF		(PGR)
	EMTV	MINI SERIES "The challenge" Part 2		(AO)
9.30	NTN	QUINCY		(PGR)
10.15	EMTV	STATION CLOSE		
10.30	NTN	NTN LATE NEWS		(G)
11.00	NTN	MEDITATION		(G)
11.05	NTN	STATION CLOSE		
TUESDAY 17 NOVEMBER 87				
3.55	NTN	MEDITATION		
3.57	EMTV	STATION OPEN		
3.58	EMTV	EMTV NEWS BREAK		(G)
4.00	NTN	ROMPER ROOM		(G)
	EMTV	SESAME STREET		(G)
4.30	NTN	EARTHWATCH		(G)
5.00	NTN	LITTLEST HOBO		(G)
	EMTV	KIDS KONA		(G)
5.25	NTN	COMMUNITY NOTICE BOARD		(G)
5.30	NTN	MY THREE SONS		(G)
	EMTV	FLINSTONES		(G)
6.00	NTN	NTN NEWS SPORT AND WEATHER		(G)
	EMTV	MONKEES		(G)
6.30	EMTV	NATIONAL EMTV NEWS		(G)
6.35	NTN	M*A*S*H		(G)
7.00	EMTV	HAPPY DAYS		(G)
	NTN	BRIAN KEITH SHOW		(G)
7.29	NTN	BIG DOG GOODNIGHT		(G)
7.30	NTN	A COUNTRY PRACTICE		(PGR)
	EMTV	BENSON		(G)
8.00	EMTV	JULIA		(G)
8.28	EMTV	EMTV NEWS UPDATE		(G)
8.30	NTN	THE QUEST		(AO)
	EMTV	BRING EM BACK ALIVE		(PGR)
9.30	NTN	CRAZY LIKE A FOX		(PGR)
	EMTV	EMTV SPORTS SCENE		(G)
10.30	NTN	NTN LATE NEWS		(G)
	EMTV	STATION CLOSE		
11.00	NTN	MEDITATION		
11.05	NTN	STATION CLOSE		
WEDNESDAY 18 NOVEMBER 87				
3.25	NTN	MEDITATION		
3.27	EMTV	STATION OPEN		
3.28	EMTV	MTV NEWS BREAK		(G)
3.30	NTN	GOOD AFTERNOON PNG		(G)
	EMTV	JAZZERCISE		(G)
4.00	NTN	ROMPER ROOM		(G)
	EMTV	SESAME STREET		(G)
4.30	NTN	EARTHWATCH		(G)
5.00	NTN	LITTLEST HOBO		(G)
	EMTV	KIDS KONA		(G)
5.25	NTN	COMMUNITY NOTICE BOARD		(G)
5.30	NTN	MY THREE SONS		(G)
	EMTV	FLIPPER		(G)
6.00	NTN	NTN NEWS SPORT AND WEATHER		(G)
	EMTV	MONKEES		(G)
6.30	EMTV	NATIONAL EMTV NEWS		(G)
6.35	NTN	M*A*S*H		(G)
7.00	NTN	MY FAVOURITE MARTIAN		(G)
	EMTV	HAPPY DAYS		(G)
7.29	NTN	BIG DOG GOODNIGHT		(G)
7.30	NTN	KNIGHT RIDER		(PGR)
	EMTV	ALL CREATURES GREAT AND SMALL		(G)
8.28	EMTV	EMTV NEWS UPDATE		(G)
8.30	NTN	MURDER SHE WROTE		(PGR)
	EMTV	MOVIE "Rogue Male"		(AO)
9.30	NTN	T.J. HOOKER		(PGR)
10.25	EMTV	STATION CLOSE		
10.30	NTN	NTN LATE NEWS		(G)
11.00	NTN	MEDITATION		
11.05	NTN	STATION CLOSE		
G		GENERAL EXHIBITION		
PGR		PARENTS GUIDANCE REQUIRED		
AO		ADULTS ONLY		

*EMTV are the 1<sup>ST</sup> in PNG to present*


## **NO PLACE TO RUN**

**On Friday 8.30 pm.**

(PGR) Parental Guidance Required

The touching story of Grandfather and Grandson fighting to stay together, despite ill health, and despite the authorities.

Starring: Hershel Malsh  
Bernardi Stefanie  
Neville Brand  
Tom Bosley  
Scott Jacoby




## **REMEMBER WHEN**

**On Saturday 9.00 pm.**

(PGR) Parental Guidance Required

A comedy drama of war, wisdom and wit.

Starring: Jack Warden  
William Schallert



**EM TV**

*We're leading the way!*

# PABLIK NOTIS



Dipatmen bilong Agrikalsa na Laipstok

## TOKSAVE BILONG MAKIM WANPELA MEMBA I GO LONG KOPI BOD LONG PNG

Mr Kobale Kale i bin makim Simbu Provins insait long Kopi Bod long tripela yia, na nau taim bilong em i pinis long 6 Novemba. Dipatmen bilong Agrikalsa na Laipstok i nau singaut long ol nominesens i kam long ol manmeri husat i save planim kopi insait long Simbu Provins. Minista bilong Agrikalsa na Laipstok bai i makim wanpela olsem memba bilong Kopi Bod, long makim ol manmeri husat i save long planim kopi insait long dispela provins.

Olsem na yupela ol manmeri husat i save planim kopi na mekim wok kopi insait long Simbu Provins i mas salim kwik nem bilong ol man na meri yupela i laik bai makim olsem memba bilong Bod i mas manmeri i bilong planim kopi o save wok long bisnis bilong Kopi, em i no ken sanap long ileksen o holim sia long Nesenel o Provinsal Gavman na i no bin go long kalabus o baim kot bipo. Yupela i mas tok klia tu long save bilong em long wok kopi, kain wok em i mekim nau, skul em i bin winim, sindaun bilong em long ples, na ol arapela samting olsem.

Las de long enm i mas kamap long Dipatmen bilong Agrikalsa na Laipstok em: 18 Desemba 1987.

Sapos yu laik kisim tok klia o makim wanpela man, salim nominesen bilong yu i go long:

The Secretary  
Department of Agriculture and Livestock  
P O Box 417  
KONEDOBU

Attention: Mr Vaia Vali  
Telephone: 21 4699 Ext 337 or 223

**new nation**

Want to know how to say hello in 50 different Languages?  
November issue of New Nation can tell you how

AND

read about many human interest stories

AS WELL

pull out colourful Hiri Moale Festival poster and many fun things to do

NOVEMBER ISSUE OF  
NEW NATION

**ON  
SALE  
NOW!**



Port Moresby Price — 90t  
Other Provinces — K1.00

# OCTOBER A LAKI MONTH...

Lottery Management Services Pty Ltd Congratulates

## MAJOR PRIZE

Mrs N. R. White B2600 4 x 4 Mazda Ute Andersons (Rabaul)

## K10,000 PRIZE

Fred Embi K10,000.00 Go Laki S.T.C. (Popondetta)

## K5,000 PRIZE

Steven Nama Bikpela Liklik Paul Dom (Goroka) Khema Kinura Bikpela Liklik Krango Promotions (Lae)

NAME		AGENT		NAMES		K1,000 PRIZE AGENT		NAMES		AGENT	
Nama Kiviroe		Strongpela 4 x 4		Hawks Rugby (Mt Hagen)		Peter Tobaikik		Go Laki		S.T.C. (Rabaul)	
Camillo Oakiva		Strongpela 4 x 4		Grin Haus Laki (Boroko)		James Bari		Go Laki		S.T.C. (Port Moresby)	
Rayame Pura		Go Laki		W.H.D.C. (Mt Hagen)		Nopiti Gamini		Strongpela 4 x 4		Grin Haus Laki (Boroko)	
Rodney Tepi		Go Laki		W.H.D.C. (Mt Hagen)		Alphonse Ealias		Go Laki		Kanuai Trading (Arawa)	
Titus Namunu		Strongpela 4 x 4		W.H.D.C. (Mt Hagen)		Herman Tiria		Go Laki		A.E.L. (Arawa)	
Kevin Sarea		Go Laki		Romane Yangomina (POM)		Morsley Tavut		Go Laki		S.T.C. (Rabaul)	
Fae Maso		Cars & Cash		Agutoi Supermarket (POM)		Rupen Lave		Go Laki		Bali Corporation (Rabaul)	
Leonard Nagia		Strongpela 4 x 4		Grin Haus Laki (Boroko)		Tava Birefa		Cars & Cash		Wanbuilt (Tabubil)	
Betty Mark		Go Laki		S.T.C. (Popondetta)		Mathew Mark		Strongpela 4 x 4		Tabubil Pharmacy	
Rose Rauka		Strongpela 4 x 4		Grin Haus Laki (Boroko)		Robert Homisa		Strongpela 4 x 4		Madang Pharmacy	
Francis Mensa		Cars & Cash		Vanimo Trading		Francis Kore		Kama Laina		Strongpela 4 x 4	
William Rampana		Bikpela Liklik		Grin Haus Laki (Boroko)		Ratu Murumbua		Mesi Sipale		Strongpela 4 x 4	
Tahia Keke		Bikpela Liklik		Grin Haus Laki (Boroko)		Puka Aiveka		Kamilo Walangu		Bikpela Liklik	
James Kawai		Bikpela Liklik		Grin Haus Laki (Boroko)		David Onkau		Nanadai Koia		Bikpela Liklik	
Gerthrude Chinau		Bikpela Liklik		Brian Bell (Boroko)		Severino Manale		S J Gillian		Strongpela 4 x 4	
Terry Kana		Go Laki		Romane Yangomina (POM)		Pepom Philip		Mark Tami		Strongpela 4 x 4	
B.N.G.		Go Laki		Post Newsagency (POM)		Anaiyu Kunta		Dickson Winama		Strongpela 4 x 4	
Michael Oa		Strongpela 4 x 4		Grin Haus Laki (Boroko)				Oliap Kowi		Bikpela Liklik	



# KISIM LAKI TUDE

# Mosbi Difens autim soka tonamen

**TWISTIS** Kampani sponsa bilong ol Difens soka klap insait long kantri olgeta i bin helpim long holim long wanpela tonamen long Lae long las wiken, Sarere Novemba na Sande 8.

Dispela pilai inap long kamap long pilai graun bilong Lae

Futbal Asosiesen tasol long gren fainal bilong Buresong na Mopi na ol pilai i kamap long Igam Bareks.

Siaman bilong Kodineting Komiti Leftenen Kenel Usurup i tokim *Wantok* olsem dispela em i namba wan taim na yia tru long kain tonamen i kamap namel long ol Difens soka klaps bilong

olgeta hap.

Em i tok klia tu olsem i bin gat wanpela pilai i bin kamap namel long ol tim bilong Mosbi yet long yia 1985 tasol nau em i bilong olgeta klap insait long kantri.

Oli i bin kolim dispela tonamen olsem *Twistis Tonamen* bikos *Twistis* kampani em i sponsa bilong ol. Leftenen Kenel Usurup i tok Difens Fos yet i stretim olgeta samting na *Twistis*

Kampani i givim ol prais bilong tonamen.

Namba wan tim i bin kisim *Twistis* Kap wantaim K400 mani na ol top pilai long wan wan tim tu i bin kisim prais.

Kenel Usurup i tok dispela tonamen bai kamap long olgeta yia, tasol em i tok klia tu olsem bai i no inap kamap tasol long Lae, ples bilong pilai bai senis long wan wan

**i go moa long pes 3**

# WANTOK



Ol poto

FRANK POMOSO



● Sponsa bilong *Tevon Tropi Theo Pelgen* wantaim *Presiden* bilong *Lae Soka Asosiesen Don Sowong* i holim *Tevon Tropi* ya bipo long gren fainal long lukim husat bai kisim.



● *Tolec Buresong King* bilong 1987 soka long Lae. Olgeta faivpela kik bilong ol i sutim olgeta gol bilong ol go insait long ol penalti kik na i kisim *Tevon Tropi* long han bilong *Mopi*.



● *Pelgen Mopi* sempian tim las yia i sindaun wantaim *Tevon Tropi* bipo long stat bilong gren fainal wantaim *Buresong*. Sori tru ol i popaia na *Buresong* i winim ol 5-4 long ol penalti kik.



● Fowad bilong *Buresong* i hetim bal pinis na *Wesley Waiwai* bilong *Mopi* i popaia long stapim em. *Buresong* i daunim *Mopi* 5-4.

Lukim moa poto na stori bilong Lae soka gren fainal insait



● *Twistis Difens* i bin winim gren fainal bilong *Namba tu Divisen* bilong *Lae Soka*, *Pota* i soim klostu pilai bilong ol i sutim wanpela moa gol.

# SPAK MIKE

MIKE I KIRAP NOGUT TRU  
TAIM BAS DRAIVA I BIKMAAS..



MIKE IKIRAP NA LUK  
LUK RAUN...



SORI TRU MAI  
WAN!.. YU MAS GO  
DAUN LONG HIA.



TASOL MI NOGAT  
MONI LONG BAIM  
NARAPELA BAS!!



OOH!!  
TENK YU TRU

OH SORI LONG MIKE NA  
KAPIM EM I GO LONG 2 MILE

OKE, GO DAUN  
LONG HIA!



PLES I TUDAK NA MIKE  
I GO DAUN LONG 2 MILE  
HILL.. NITM NEKS WK!!

## GOODYEAR

The Choice of Champions



**TIMBER KING**  
LOGGING &  
HAULING  
TRUCK TYRE




**G291**  
UNISTEEL  
HIGHWAY  
RADIAL TRUCK TYRE



**G186**  
UNISTEEL  
ON/OFF ROAD  
RADIAL TRUCK TYRE



**HI-MILER**  
G8  
HIGHWAY TYRE



**G100**  
G100  
ON/OFF ROAD  
TRUCK TYRE



# KABAR

TARANGU KEPTEN BILONG INGLAN LAIK RAUSIM EM TASOL OL POLIS TOK NOGAT...

**TASOL**  
REBO NA OL KUMUL PLAIA BAI LUSIM INGLAN LONG TRINDE NEKS WIK!



NAU OL LOKIM REBO LONG RUM GAT...



TAM BILONG KOT NAU NA REBO I GO...



MAJISTRET I HARIM TOKTOK BILONG REBO NA OLGETA WITNES BILONG REBO TU I STRETIM TOKTOK...



YESA... MI BIN STATIM PAIT TASOL DISPELA MAN I BIN TOK NOGUTIM MI-PELA OL KUMUL PLAIA... OLSEM NA MI STATIM PAIT NA....

EM TRU

MAJISTRET AMAMAS LONG STORI NA EM SASIM REBO LONG 5 KINA TASOL...



OKE,.. MI BILIP LONG STORI BILONG YU... OLSEM NA MI SASIM YU LONG 5-KINA TASOL!!

TASOL NOGAT,.. BALUS I LUSIM OLGETA PINIS NA KAM LONG PNG...



BAI OL STAP NARAPELA WIK GEN LONG INGLAN... RITIM NEKS WIK!!

**GOODYEAR**  
The Choice of Champions

CALL FOR THE BEST PRICES WITH BEST SERVICE AND HAVE A GOOD YEAR WITH GOODYEAR.

GOROKA  
Ph: 72 1848  
Al's Auto Repairs Pty. Ltd.

MADANG  
Ph: 82 2433

LAE  
Ph: 42 1144

RABAUL  
Ph: 92 2757  
92 2777

MT HAGEN  
Ph: 52 1715

POPONDETTA  
Ph: 29 7175

PORT MORESBY  
Ph: 25 5255

ARAWA  
Ph: 95 1566  
95 1516

ALOTAU  
Ph: 61 1167  
Milne Bay Enterprises



**BOROKO MOTORS**

•PORT MORESBY PH 25 5255 •LAE PH 42 1144 •RABAUL PH 92 2777 •MT HAGEN PH 52 1433 •MADANG - PH 82 2433  
•TABURU PH 58 1311 •ARAWA MOTORS PH 95 1566 •HIGATURU MOTORS PH 29 7175

# PINIKI



PINIKI KAIKAI I PINIS OKE YUMI GO DANIS-A?"



PINIKI I SEM LONG TOK NOGAT TASOL KAIKAI I PINIS NA TUPELA I GO DANIS...



AHH.. MI TUHAT YA.. BAI MI ODARIM SAMPEN BILONG YU NA BIA BILONG MI

MI NO SAVE DRING



PINIKI I TOK NOGAT TASOL BOS I ODARIM PINIS...

OYO.. BAI MI WOKIM WANEM YA!



BOS I DRING PLANTI BIA NA EM TOKTOK NABAUT NA AI GRIS LONG PINIKI...

OOH.. (HC) PINIKI...! (HC) MI GAT.. LAIK LONG YU...

INAP YUMI DANIS KEN (HC)



TASOL PINIKI TOK NOGAT NA HATIM BOS...

BOS!! MASKI LONG DRING PLANTI!... YUMI GO LONG HAUS!!

BOS BAI KARIM PINIKI I GO LONG HAUS O NOGAT? RITIM NEKS NIK!

See the complete line of over-the-road truck tyres by Goodyear.



**WHANGLER**  
THE ALL PURPOSE 4WD RADIAL TYRE



**NCT**

**GRAND PRIXS 70**



**G800 GRAND RALLY**

FABRIC BELTED RADIAL



**BOROKO MOTORS**

•PORT MORESBY PH 25 5255 •LAF PH 42 1144 •RABAUL PH 92 2777 •MT HAGEN PH 52 1433 •MADANG - PH 82 2433  
•TABURIL PH 58 3111 •ARAWA MOTORS PH 95 1566 •HIGATURU MOTORS PH 29 7175

# MMMMMIGHTY GOOD

## COLOURING-IN COMPETITION WIN ONE OF 22 RADIO CASSETTE PLUS MANY MORE PRIZES

Isi tasol yu kalaim pren bilong yu Gras Rut wantaim mit em i save laikim. Orait putim long skin pas na salim long:-

Barnes Coloring Competition  
P.O. Box 1744  
Port Moresby  
N.C.D.

### Ol prais bilong winim em

Tupela Sharp WQ483Z Radio Cassette Recorders for Major Prais bilong wanwan em K409.

Wanpela prais bilong man na meri

10-pela

Prais bilong wanwan K145.

20-Barnes Prodak Stika

50-Barnes "T" Shirt

100-Book, pencil na ol setifiket

Dispela resis bai pas long Disemba 4, 1987

Olgeta resis pepa em kamap samting



bilong James Barnes PNG Pty Ltd  
Ol wina bilong resis bai kamap long Niugini Nius na Pos Kororia long Fonde Disemba 10, 1987

Jas em las man long makim husat i win.

Bai nogat toktok i kamap bihain long ol i tokaut long wina

Ol wokman bilong James Barnes Kampani na husat i wokim dispela edvitismen bai no nap resis.

Name .....

Age.....Boy/Girl.....

Address .....

Phone..... School .....



# BARNES

# WANTOK SPOT

## Buresong i autim Lae soka taitel

MOA LONG 6,000 manmeri i bin bung long lukim bikpela kik bilong gren fainal i kamap namel long Mopi na Buresong las wik Sande long Lae futbol Asosiesen pilai graun.

Jeneral Menesa bilong Tevon Ril Estet na man husat i sponsa bilong dispela kap Theo Pelgen i bin opim dispela pilai.

Dispela pilai i bin kamap strong tru. Namba tri bilong ol Laviong brata, David i brukim kiau na i bin sutim namba wan gol long ol Mopi. Dispela gol i bin kamap insait long long 20 minit long namba wan hap bilong gem.

Dispela kik i bin kamap gut tru. Buresong husat i gat gupela bal wok bilong ol i mekim ol lain Mopi i luk olsem nu rikrut bilong kik.

Long namba wan hap skoa i bin sanap olsem 1-0. Dispela em i gol bilong David Laviong. Long stat bilong namba tu hap Komok Jem i putim narapela gol gen, ol Buresong i bin lid 2-0.

Insait long namba tu hap, Mopi i no laik karim nem nogut olsem na ol i bin putim strongpela pilai stret. Ol i bin pilai, pilai i go na Raymond Nasa bilong Mopi i brukim kiau. Em i sutim namba wan gol bilong Mopi.

Dispela gol bilong Nasa nau i apim bel na tingting bilong ol lain Mopi long pilai strong. Anio Saira i bekim long wanpela penalti long taim fulbek bilong Buresong i wokim wanpela paul kik insait long penalti eria.

Gol bilong Nasa na Saira i bekim dinau bilong Buresong long tupela gol. Long taim dispela tupela gol i go insait, Mopi na Buresong i wokim ples i paia stret. Tupela tim wantaim i strong tru i go inap long pinis bilong pilai.

Dispela kik i bin kamap strong tru na tupela tim i dro. Olsem na ol i bin pilai 10 minit gen. Tasol tupela wantaim i strong gen na no gat wanpela gol i go insait. Olsem na tupela tim i bin kikim 5-pela penalti kik.

Insait long ol penalti kik Buresong i bin putim olgeta faivpela kik bilong ol na Mopi i bin putim foapela tasol. Namba wan kik bilong ol i bin abrus na Buresong i bin winim pilai ya 4-5.

### BEN WAUNS i raitim

Dispela kik na win bilong Buresong i apim tru nem bilong Buresong. Dispela win bilong ol nau long 5-pela yia olgeta. Na dispela ol win bilong Buresong em long 1972, 1982, 1983, 1984, 1985 na 1987.

Tasol Mopi i gat gupela rekot long winim 8-pela gren fainel. Dispela i soim olsem Mopi i strongpela tim yet long kik long gren fainla.

Ol Mopi i bin winim Lae soka fainal long 1974, 1975, 1976, 1978, 1980, 1981 na 1986. Klostu ol i winim 1987 gren fainal tasol ol i abrus. Mopi i tok em bai traime gen neks yia.

## Ol tim i bin winim Lae soka taitel

- 1969 Balob Teachers College
- 1970 Bugandi Haiskul
- 1971 Hyiene
- 1972 Buresong
- 1973 Ex Bugandi
- 1974 Pelgen Mopi
- 1975 Pelgen Mopi
- 1976 Pelgen Mopi
- 1977 Pelgen Mopi
- 1978 Pelgen Mopi
- 1979 Bekos Luteran Yut
- 1980 Pelgen Mopi
- 1981 Pelgen Mopi
- 1982 Tolec Buresong
- 1983 Tolec Buresong
- 1984 Tolec Buresong
- 1985 Tolec Buresong
- 1986 Pelgen Mopi
- 1987 Tolec Buresong

TRENSPOT i sut i go antap long resis i kamap nau long Bomana Tas Ragbi bihain long ol i autim narapela strongpela tim RTW long Bomana las wiken.

Long hap taim RTW i bin go pas 4-1. H Raboam i bin skoim trai bilong RTW na Elisa Maira i bin kikim wanpela gol bilong Trensport. Tasol long taim ol i go bek long pilai long namba tu hap Trensport i putim 4 wil na Joseph Gamini i skoim trai bilong ol.

Bihain long dispela Trensport i putim brek long olgeta stail bilong RTW na i winim gem, 5-4.

Long namba tu gem las tim TDU i givim bikpela wari long Konjo tasol ol i bin lus 3-0. Dispela gem i bin wanpela strongpela gem na kik bilong Soka Toligai tasol i bin rausim birua bilong Konjo.

## Trensport sut i go antap long Bomana tas ragbi


Macgregor 1 i bin krungutim Macgregor 2 long namba wan gem. George Revisit, Jonah Tokiong, Peter Senat na Charlie Daingo i no marimari long ol "wantok" bilong ol Macgregor 2 na ol i pilai strong tru long winim dispela gem, 12-6.

Ol dispela gem i pinisim namba wan raun bilong dispela pilai resis. Trensport i go pas long 12 poin. Konjo, RTW, C/Dogs i stap 10 poin, Macgregor 1 i stap long 8 poin na TDU wantaim Macgregor 2 i stap las long 2 poin.

Dispela wik bai i gat sampela strongpela pilai na i luk olsem Trensport bai i gat sampela poroman long stap wantaim em antap long resis. Long namba tu gem



● Pot Mosbi Twistis Difens, Baimuru Kairi i givim strongpela rait lek bilong em long bal. Mosbi Difens i bin autim Manus, Lombrum Difens long dispela pilai na i winim tu Twistis kap bihain long ol i daunim Wewak Difens.



● Kepten na midfilda bilong Mopi Anio Saira i laik banisim tupela Buresong ya, bipo long bal i go long narapela pilai.



● Strongpela fulbek bilong Buresong i go antap long rausim bal long het bilong em bipo long man nogut bilong Mopi, Raymond Nasa i kisim.

### ELIAS PANGOGO i raitim

Trensport bai bungim Konjo na i luk olsem petrol bilong Trensport bai pinis nau.

Long namba wan raun Konjo i bin autim Trensport tasol Trensport i bin apil na winim dispela gem. Nau Konjo i no inap givim sans long Trensport tasol ol i mas pait hat tru long win.

Trensport tu i gat namba 5 gia bilong ol, Michael Bauba na em bai stiaim ol arapela lain bilong em long daunim Konjo. Ol i mas putim brek long Soka Toligai na Herman Ipai sapos ol i laik win. Sapos nogat Ipai na Toligai bai givim strong long Konjo long autim olgeta gia bilong Trensport. Long narapela

strongpela gem ol RTW bai bungim Macgregor 1. Olsem na long dispela gem RTW bai traime na bekim dispela dinau. Long taim tupela tim i bin bung long raun wan RTW i autim

Macgregor. Tasol nau RTW i mas pilai strong moa long win. Macgregor i luk olsem ol i kisim bek olgeta strong bilong ol na olgeta pawa bilong Fos 10 bai kamap klia nau.

Ol fowat bilong tupela tim inap long helpim tim bilong ol long win. I luk olsem ol fowat bilong Macgregor bai go pas long dispela gem.

## Ren bagarapim wiken spot long Manus

BIKPELA ren i bagarapim namba wan de bilong sofbal sisen long Manus las wiken.

Provinsal spot na rekriesen opisa Jack Changau na Yunaitet Nesen Volantia Troy Engle i tok ren i bagarapim plen bilong ol long wiken spot.

Ren i wok long pundaun yet na sapos i no stop bai nogat gem tu long dispela wiken, Sarere 14 na Sande 15 Novemba. Sofbal sisen bilong Manus bai stat gut long taim ren i pinis.



# Braun Igels i flai go antap yet

LAS YIA planti man husat i save bihainim sofbal bilong Mosbi i tok olsem Braun Igels bai kamap wanpela strongpela tim bilong A Gret long dispela yia, 1987. Na dispela toktok i no abrus liklik.

I no long taim ol i autim sempion tim bilong Mosbi Softbal, Gasel na las wik tasol ol i givim TKO long Elkom 3-1. Man dispela pilai bilong ol i no isi, paia i lait stret.

Ol Elkom i no joinim gut waia na man klostu tru paia i kirap.

Long ol arapela pilai Hino NGI i nilim Fuji 10-2 na ol Gasel i kisim trening long ol Karanas 19-1.

Wanpela gutpela pilai bilong wik em Malangan na Hawks i bin putim kamap. Malangan i strong tru long winim dispela pilai. Na ol i autim Hawks 17-8.


Malangan i no statim gut gem bilong ol long namba wan ining. Tasol i go long namel nau ol boi Kavieng i mekim ples i paia stret. Ol i statim namba wan ining gut tru. Ol i skoim 6-pela poin insait tasol long namba wan ran.

Dispela 6-pela gol i bin kamap long taim ol autfilda na infilda bilong ol Hawks i no bin tromoi bal bilong ol gut. Olsem na ol

● Wanpela 'pawa hita' bilong Braun Igels i traime strong bilong pitsa bilong Elkom las wik. Sande. Braun Igels i strong na autim Elkom 3-1.



● Lukim kain stail ya Braun Igels pilaia i laik kam hom tasol em i tu let. Kain stail bilong Elkom pilaia Simet (3) i moa yet na ol i autim em. Tasol sori tumas Simet i mas traime gen.



● Kepten bilong ol NGI na lapun bilong sofbal Ron Rolly i toktok long ol tim memba bilong em. Ol i sutim Fuji 10-2

## Difens soka tonamen

**i kam long pes 24**

yia.

Insait long tonamen long dispela yia, foapela tim tasol i bin resis long Twistis Kap. Dispela ol tim i kam long Lombrum Patrol Bot Bes long Manus, Moem Bareks long Is Sepik na pot Mosbi i bin salim tupela tim. Wanpela em i primia Twistis Difens tim na narapela em i namba wan divisen tim bilong ol tu husat i bin kamap primia long gren fainal long divisen bilong ol.

Igam Bareks yet i no bin gat tim long pilai long wanem namba tu divisen bilong ol i bin stap insait long gren fainal long Lae Soka Asosiesen. Vanimo i no bin salim tim long wanem ol i sot liklik long ol man. Planti bilong ol i save pas long wok bilong boda patrol.

Kenel Usurup i tok klia long Wantok long narapela as tingting bilong ol long putim kamap dispela tonamen em long makim tim bilong go long Jayapura long pilai wantaim ol lain long hap. Dispela pilai bai kamap long mun Desemba.

Long fainal long Sande, Mosbi Twistis Difens Tim Wan i bin autim Wewak Difens 4-2. Mosbi Difens i bin

# No gat pait i kamap long Madang soka fainal

**LOUJAYA DUNAR i raitim**

winim dispela pilai.

Long pilai bilong ol meri Panafun i winim Mimlon, 1-0.

Ol arapela skoa i go olsem:

2nd Divisen: Mimlon 1 Nambasa 0

1st Divisen: Tarangau 2 Mopi 1

Primia Divisen: Admiralty 2 Nambasa 0 Long Primia Divisen Gren fainal Admiralty i soim strong bilong em na skoim wanpela gol long 32 minit insait long namba wan hap bilong pilai.

Nambasa i no skoim wanpela gol i go inap hap taim. Orait faiv minit insait long namba tu hap bilong em Admiralty i skoa gen.

Provinsal spot rekriesen opisa Joe Buka i tok, "Long lukluk bilong mi Admiralty i bin win bikos oli gat gutpela kik tasol Panafun i kikim bai i go insait long gol pos na ol i

orait tasol ating sapos ol i strongim bai kontrol bilong ol bai ol i orait."

Admiralty i Soka sempion bilong Madang nau. Tasol presiden bilong Madang Soka Asosiesen i bin tok sori long ol bikos ol primia bilong 1986 Momase, i no bin givim soka sil i go bek long Asosiesen olsem na em i no bin givim long Admiralty long taim ol i win.

Francis Tehu wantaim ol soka opisa bilong em i tok amamas long ol manmeri olsem Madang soka long 1987 i brukim rekot stret bikos i no gat pait bin kamap.

Em i tok long 6-pela yia i go pinis, pait i save bruk long taim bilong gren fainal. Na dispela yia 1987 tasol em i gutpela yia bilong pinisim gut soka sisen insait long Madang.

# Asosiesen tingting long kirapim Nancy Kamara sempionsip

NANCY KAMARA TROPI sempionsip em i wanpela resis Pot Mosbi Womens Sofbal Asosiesen i tingting long kamapim long Februeri neks yia, sapos Asosiesen i tok orait.

Presiden bilong Asosiesen Rose Kekedo i tokim Wantok olsem man bilong Misis Kamara, Dale Kamara, yet i bin tok em bai helpim Asosiesen wantaim wanpela tropi i karim nem bilong Nancy long ol resis bilong Sofbal Asosiesen bilong ol meri long Mosbi.

Mis Kekedo i no laik long tokaut moa inap em i bungim ol narapela memba bilong Asosiesen long wanpela kibung long dispela wik.

Long pinis bilong mun Novemba bai Asosiesen i tokaut long wanem samting bai ol mekim long dispela Nancy Kamara Tropi.

Misis Nancy Kamara i bin wanpela sevis meri tru bilong Mosbi Sofbal Asosiesen bipo yet long taim bilong em olsem yangpela meri. Em i wanpela pilaia, ampaiya kosa na administreta bilong Gasel Sofbal Klap na Sofbal Asosiesen long Mosbi.

Dispela em mak bilong tingim Misis Kamara husat i bin dai long mun Oktoba long dispela yia.

Sapos Asosiesen i pasim tok long ol softbal tim i resis long dispela tropi long olgeta yia.

Sempionsip i kamap olgeta yia bihain long ol gren fainal long mun Desemba. Na mun Februeri i gutpela taim long stat bihain long ol pilaia i pinisim laik long Krismas holide na i redi long nupela sisen.

## 14 NOVEMBER 1987

TIME	GRADE	FIELD	TEAMS	UMPRE
1.00	B 1		Mazda v Insurance	N.Passingan
2.45	B 1		Dogers v NGI	R.Kassman
2.30	A 1		Fuji v Siule	A.Kerepla
4.00	A 1		Mazda v Wantoks	J.Bampton
1.00	E 2		Fuji v NGI	J. Bae
2.45	D 2		Medics v RLC	J. Longbut
2.30	C 2		Aviat v Columbus Line	R. Ratia
4.00	C 2		Manalos v Tarangau	C. Bais
2.30	D 3		Elcom v H. Discount	P. Naron
4.00	E 3		Dogers v Royals	B. Wartovo

All games will be 7 innings or 90 minutes in length - whatever comes first !!!

## PORT MORESBY NEWS SOFTBALL

## 15 NOVEMBER 1987

TIME	GRADE	FIELD	TEAMS	UMPRE
9.00	D 1		Chebu v Yokomo	Nissan
10.30	A 1		Int. Delight v Karanas	J Takapan
12.00	A 1		Malangan v Mazda	W. Wartovo
1.30	A 1		Hawks v Elcom	F. Diap
3.00	A 1		Fuji v Nissan	R. Ratia
4.30	A 1		Hino NGI v B. Eagles	L. Palvu
9.00	D 3		Manalos v ESA	Aviat
10.30	B 3		Malangan v NGI	J. Kaptigal
12.00	B 3		Elcom v Yokomo	R. Rolley
1.30	B 3		Chebu v Mazda	S. Pondriket
3.00	B 3		Bodiam v Manalos	P. Filipo
4.30	B 3		Nissan v Aviat	P. Boone
9.00	D 2		Dogers v Fuji	De La Salle
10.30	C 2		Aviat v Uni	Hoodsco
12.00	C 2		Hoodsco v Fuji	Uni
1.30	C 2		Karanas v B. Eagles	Bomana
3.00	C 2		Hawks v Bomana	B. Eagles
4.30	C 2			Columbus Lines
10.30	D 4		Nissan v Bargam	Manalos
12.30	D 4		De La Salle	Dogers

Gate One: M Kalas  
Gate Two: Columbus Line

# Ol meri Mosbi statim maina semi-fainal bilong sofbal

FUJI belsut nau long autim Siule na Wantok i redi tasol long brumim Mazda Kaps i go long arere long taim dispela foapela tim i statim maina semi fainal bilong A Gret softbal bilong ol meri long Mosbi. Bikpela pilai bai kamap long Sarere 14 Novemba.



Wina bilong pilai namel long Fuji na Siule bai salensim wanem tim i lus long taim Wantok na Mazda i pilai. Dispela gem i bilong meja semi fainal na bai kamap long 21 Novemba.

Wina bilong pilai i kamap namel long Mazda na Wantok bai go stret long Primia long Sarere 28, Novemba.

Fuji nau i stap long namba tri ples long poin lata na ol i gat moa pawa long daunim Siule long tupela poin tasol.

Fuji i bin autim Wantok long wiki i go pinis na ol pipel i kirap nogut bikos i no gat wanpela tim i inap long daunim Wantok long tupela

raun bilong 1987 softbal sisen.

Las wiken Fuji i rausim Manalos 8-5 na winim ples bilong resis long ol fainal long taim Siule i abrusim liklik Sankaro 9-7.

Mazda Kaps i bin krungutim AEI 12-3 na nau ol i redi long salensim Wantoks. Wantoks i amamas yet long smatpela gem bilong ol we ol i bin memeim Kabu 10-1.

Wantoks i gat strongpela bilip yet olsem ol bai Primia bilong dispela sisen gen.

Mazda tim husat i bin gat nem "Kwin bilong Mosbi softbal" i slek liklik nau. Ol i painim olsem pitsing bilong Joan Toliman bilong wantok i olsem laitning na i gat moa pawa long en. Dispela

# WINIM TRIPELA SOFBAL BAL RESIS NO 4

Isi rot bilong winim wanpela smatpela sofbal glav. Skelim ol sofbal tim na tokaut husat tim bai winim gem.

I gat spes i stap daumbilo we yu ken putim ol dispela mak, W - win, L - lus na D - dro.

Makim ansa bilong yu na salim i kam tek long dispela adres: **Resis No 4**  
Wantok Spots Kompetisen  
P.O. Box 1982, Boroko.



**Resis No 4 i pinis long Trinde 18 Novemba**

Lo bilong resis: I gat 12-pela tim husat bai pilai sofbal long dispela wiken. Aninit long wan wan tim i gat dispela mak  i stap. Putim ansa bilong yu  (win)  (lus) na  (dro) insait long dispela mak. Putim wanpela mak tasol.

I tambu long ol wokman bilong Word Publishing Kampani long stap insait long dispela resis Namba wan stretpela ansa mipela i opim bai win. Olgeta tok i dai bihain long mipela tokaut long nem bilong wina.

Raitim adres bilong yu hia: Nem: \_\_\_\_\_  
Adres: \_\_\_\_\_  
Telepon: \_\_\_\_\_

OL MAN			OL MERI		
1. Chebu	v	Yokomo	1. Mazda	v	Insurance
<input type="checkbox"/>		<input type="checkbox"/>	<input type="checkbox"/>		<input type="checkbox"/>
2. Delight	v	Karanas	2. Dogers	v	NGI
<input type="checkbox"/>		<input type="checkbox"/>	<input type="checkbox"/>		<input type="checkbox"/>
3. Malangan	v	Mazda	3. Fuji	v	Siule
<input type="checkbox"/>		<input type="checkbox"/>	<input type="checkbox"/>		<input type="checkbox"/>
4. Hawks	v	Elcom	4. Mazda	v	Wantoks
<input type="checkbox"/>		<input type="checkbox"/>	<input type="checkbox"/>		<input type="checkbox"/>
5. Fuji	v	Nissan	5. Fuji	v	NGI
<input type="checkbox"/>		<input type="checkbox"/>	<input type="checkbox"/>		<input type="checkbox"/>
6. Hino NGI	v	B. Eagles	6. Medics	v	RLC
<input type="checkbox"/>		<input type="checkbox"/>	<input type="checkbox"/>		<input type="checkbox"/>



• Wanpela bilong ol atletik i wok long traime kain stail bilong kalap haijam wantaim stik.

• Maurice Elavo wantaim poroman bilong em i hatim trening long basket bal.

• Wanpela bilong ol dispela atletik pilaia husat tu bai ran long 300 mita resis na 100X4 relay resis, long Saut Pasifik Gem.

# Ol PNG spot tim i redi long SP Gem



• Ol lain netbal skwat bilong Mosbi i traime amamas tasol long go daun long Noumea, South Pasifik.

PLANTI ol spotmanmeri em ol i makim ol long go stap na resis insait long namba 6 Saut Pasifik Gems long Nu Kaledonia i wok long redi nau.

Las wik, Wantok i bin raun long lukim ples ol lain long Mosbi i save trening. Long ples bilong pilai basketbal, ol memba bilong basketbal skwat i hatim trening i stap. Kosa bilong skwat, Fred Lavaki i tok em i amamas long dispela skwat na em bai helpim dispela skwat long autim wanpela medal. Em i tok ol pilaia

### HENRY MORABANG i raitim

bilong skwat husat i stap long arapela hap bilong kantri bai bung wantaim ol lain long Mosbi long pinis bilong neks wik.

Atletik - Dispela wik, ol man em ol i makim long 100, 200, na 400 mita resis na hai jamp bai go long Goroka long kisim moa trening. Netbal-Volantia bilong helpim ol kain kain spot insait long Nesenel Kaptal Distrik Jamie MacGoldrick i givim trening long ol netbal meri. Kosa Emily Taule i no inap tokaut

yet long strong bilong tim bilong em.

Soka - Ol memba bilong Mosbi i wok long trening hat yet long Bisini ples pilai. Bikpela tingting bilong kosa Posman Kisakiu nau em bilong autim wanpela gol medal.

Swim - Wantok i painim aut olsem Papua Niugini bai winim moa long tupela gol medal. Nai tingting long kisim sampela medal moa.

Namba wan tim bilong PNG long Saut Pasifik gem bai lusim Papua Niugini long 5 Desemba. Na ol pilai bai stat long 8 Desemba.



• Man bilong lukautim spot insait long Nesenel Kapitel Interim Komisn Jamie McGoldrick i givim trening long ol lain bilong netbal.



• Kembos i hatim trening bilong em long Sir Hubert Murray Stadium long Mosbi. Kembos bai resis long 'Long distance'.

# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.